

250.101  
38  
部三二六

# 奉新縣志

同治十一年重修

第六冊

秩官志	統轄	教諭	典史	附大使
知縣	訓導	主簿	武職	
縣丞	巡檢	稅課	封爵	



奉新縣志卷七

秩官志

統轄 主簿

知縣 稅課大使

縣丞 武職

教諭 封爵附

訓導

巡檢

典史

蔚宗東漢之書循吏兼詳守令對山武功之志官師並列

瑕瑜民社所關考鏡斯在奉新一邑析自海昏地當楚粵

之衝行李疲於供億利鮮魚鹽之沃磽瘠係乎土宜然而

俗恥紛爭罕速鼠牙之訟士矜名節不登肺石之庭撫字

雖曰心勞催科無妨政拙南唐而降改易今名代多賢宰

廖楊著績於前黃何繼美於後馨香俎豆祀事維昭姓字

棗黎遺徽宛在至於統轄之官或留棠黍之愛間為特載

不必俱詳體例所存繁略應爾又丞尉巡檢皆分吏職學

奉新縣志

卷七

秩官

統轄

官博士實為儒師稅使主簿雖罷置不常而名氏具在茲

據各官之可考者首以統轄附以封爵武弁為秩官篇焉

統轄 官多不能具載但就有功德於斯邑者書之

三國吳

太史慈

字子義東萊黃邑人劉繇亡於豫

表從子磐數萬未

數為寇於艾西安諸縣策於是分海建昌左右六縣以

慈為建昌都尉併督諸將拒磐磐絕跡不復為寇孫權統

事以慈能制磐遂委以南方之事建安十一年卒於官

唐

吳

兢

汴州浚儀人為洪州刺史表劉脊虛之里以勵風俗舊志按黃志人物有應知頊豫章書應知頊

建城人隋末蕭銑林士宏亂豫章知頊於華林屯兵置柵保障一方武德五年歸唐以為靖州刺史靖州為今瑞州府氏族大全謂知頊九江人徙居靖州人物志南昌高安兩載之自志從氏族載入高安歷稽各籍未有言其為奉新人者舊志頗未考究但據豫章書稱其有保障之功其明德自不可混為附錄於唐名宦之後從變例也

宋

劉珙字共父崇安人端明殿學士知隆興府蠲稅務新額及罷苗倉大斛屬邑奉新有復租稅窮民不能輸相率逃去反失正稅并奏除之

張杓字定叟浚之子甯宗嗣位知隆興府兼江西安撫使奉新舊有營田募民耕之畝賦米斗五升錢六十其後議臣請鬻之始征兩稅和買且加折民重為困杓悉奏蠲之按舊志誤以杓知隆興在孝宗時今改正

明

吳一貫字道夫廣東揭陽人廣東通志作海陽成化辛丑進士初任知上高縣擢御史累陞大理少卿忤瑾

奉新縣志

卷七

秩官 統轄

謫嵩明州同知遷江西副使時華林賊勢猖獗一貫督兵勦捕賞罰明信士皆用命俘斬甚眾因倡築奉靖二城為禦寇計遷按察使行部至奉新以勞卒於軍民哀之立祠祀焉

周憲

字時敏湖廣安陸人宏治進士官江西副使華林

奉新計擒賊首平瑪璃寨進逼華林賊窘謀者詭言饑困狀憲信之移檄會師夾擊他將多觀望憲攻北門賊少却與子幹先登逼之賊下木石如雨憲中槍幹前救力戰墮崖死憲被執死之事聞贈按察使諡節愍旌幹門曰孝烈舊志按正德七年五月憲與賊大戰於桐梓嶺被害明史紀事云正德七年四月憲移軍攻華林賊於仙女寨拔之進克雞公嶺先後擒斬十餘人進薄華林五月憲信謀者言賊眾饑疲遂檄兵進攻其二路失期不至憲獨深入山谷峻險賊憑高發榴石如雨憲被執刀中憲首血流滿面左髀復中槍不能行大罵賊不絕口賊怒支解之紀事及明史列傳俱無戰桐梓嶺事又紀事憲賜諡忠愍明史作節愍未知孰是始並誌之

李承勛

字直卿湖廣嘉魚人宏治進士累擢知南昌府明史正德六年贛州賊犯新淦靖安賊據越王嶺



李公酌而行之公又逐欵登答雖間有駁裁要於隱情無弗洞者揭諸國門如禹鼎之象物見之魁消如秦鏡之遇形照而胆動恤我奉民豈惟小補亦又逾載公以漕務臨縣重哀我邑疾苦思有以息之方將請於兩臺永為奉新改折京米而嚮者鄉民復恐曩舉之又為掛壁也時署吾邑者為藩幕殷君慨然捐資勒鐫以垂永久嗟乎庶人不議議之所衷政之所僻已雖然議一也傳食者橫肉食者鄙微藿食者誰適乎且吾邑受病之已深也身在苦中者既如二豎之據於隱處問其所苦而不能自言而身在堂上者又如秦越人之相視乎肥瘠漠然不為屬何也乃惟鄉民言之公與倪公惻而聽之是可媿也亦可感也若殷君此舉上宣上臺德意下適下民渴情亦不負此軒軒一來矣公諱嗣京號少文揚之興化人倪公諱元瑤號鴻寶浙之上虞人殷君諱號松之華亭人惟殷君實使余言

國朝

李世昌

號奔侯三韓人任南昌瑞州分巡道饒字拭巡憲李公講堂碑記甲寅滇南告變川湖閩廣所在

奉新縣志

卷七

秩官

統轄

四

皇帝震怒

特命親王將軍及諸道兵進勦江西實楚粵門戶

而南瑞二郡屬邑如分甯靖安奉新新昌上高羣山糾結連亘數百里諸賊鈞連蜂起不可搔爬時親王將軍方經略楚粵摧滅巨寇賊得乘間猖獗肆毒山谷間總督大司馬憂之議復設南巡道鎮撫焉適我三韓李公領郡南安具經濟才且政聲久著特疏請補報可遂以二郡事屬公公慷慨以滅賊自任紆親王大司馬西顧憂甫拜命首詢地方利弊而興草之若不知有賊曰是治賊本也於是審形勢圖方略募戰兵檄各屬互為聲援每有急公即領軍親行至則慮無弗摧破者然公仁心為質務以德勝行部所至惟以拯荒殘宥脇從為汲汲每教令一出父老讀之感歎泣下以為公真活我以故民氣益厚賊氣益衰乙卯諸賊將合攻奉新邑侯董君且戰且守飛檄告急公聞領軍疾馳至賊知公來且退公與董君躡之至礮下山中是日曉霧賊不意公猝至驚愕以為神公親冒矢石奮擊賊倚山死拒公命偏師繞出山後賊首尾不救潰自寅迄申斬數千級俘百餘人搃其穴乘勝開羅坊抵富溪賊胆破竄匿深入無阻是役也公露處行間凡旬餘不避勞瘁軍政嚴肅無敢輒取民絲粟者賊稍稍降自是不敢復肆公

之戰功類如此丁巳詣軍門言賊可滅狀圖各邑險阻與大軍所由進瞭若指掌大司馬從公請同督軍進勦諸賊俱平如公畫先是礮下之役公親視荒破流離狀惻焉念之而邑侯董君復告之甚悉因有丁缺田荒之請果蒙恩獨公實始之也當公受命不數年遂平二郡賊去江右肘腋之患親王將軍大司馬得并力楚粵悉平悉復恃有公也公真功在天下豈獨二郡所部得而私哉而新之民戴生全德若獨私之構講堂祠公以報公於無疆卽奉新可知各屬矣嗟夫召伯之仁甘棠猶愛况以公數年勤勞經理文德武功克備若此孰謂古今人不相及耶卽二郡可知天下矣

聖天子爲天下任公而公之功在天下是天下之福也則斯舉也豈新民獨私之亦以爲天下祝哉既落成以勒石之詞命予予不文烏足以鼓吹盛德請以新民所述者書以爲記誌新民意也更以爲天下賀公諱世昌號奔侯三韓人詩曰岐山之陽馮水湯湯翼翼者屋丹雘其光曰誰是祠我公之堂我公之堂新民所作載祠我公有嚴有恪明德是依我公既祠新民之樂公活我新允文允武全我父兄歸我樂土憶我公來龍旂淠淠鸞聲嘒嘒千萬其徒不驚不畏日之中天消其陰噎戰於叢巖馳驟雷雨言申之令

奉新縣志

卷七

秩官

統轄

五

言節之鼓言出之奇渠魁既虜遂搗其巢深入其阻復爾田廬嬉爾婦子既人其人與之更始於戲上帝暨我皇后懇建羣賢溥天仁覆賜我公來摧此巨寇寇之既平又恤我後我公之功

天子是懋出爲方虎入爲周召我公之德新民所飽登斯堂宇小人懷恩君子服教維新之民承承繼繼俎豆常新逮千萬禩以報我公水之長流山之永峙

知縣

唐縣令 按舊志縣令劉正一以前無考今查通志崔祐甫洪州都督張休遺愛頌有鄔賁一名應補入

鄔賁 肅宗上元間為新吳令 劉正一 長慶三年為新吳令築縣土城

宋縣令

梁見素 至道元年任 徐用和 二年任始創學宮以教士累擢太子中允

許南史 咸平二年任 樊揆 景德元年任

趙嵩 三年任 沈昂 大中祥符元年任 陸太常博士

沈同 六年任浙江錢塘人進士 黃禹昌 八年任

柴徵規 天禧元年任 戴玘 五年任字亦玉號龍菴進士

王居白 天聖元年任 張惟周 四年任

奉新縣志 卷七 秩官 知縣 六

查延之 五年任 王言 八年任

張陶 明道元年任字聖休浙西餘杭人陸本州通判轉殿中丞

戴宏 景祐元年任 馬遵 三年任樂平人進士陸兵部員外郎

王鞏 寶元元年以大理寺丞任 蔡充 康定元年以著作佐郎任南城人進士有

惠政以平恕不擾聞 陳莊 慶曆元年任

鄒巖 三年任改秘書丞 王真長 四年任

張序 皇祐元年任陸太子中允大理寺丞 胡少連 四年任

林喬 至和元年任 藍圭 嘉祐元年任

張頡 五年任陸提點刑獄字仲舉淮南桃源人王安石寬餘訟獄平老吏閉門無重糈荒山開隴有新粳方揮玉塵日邊坐又結銅章天外行此去料君歸不久挾才如此

即名卿李壁半山詩注云金陵人位至從官傳稱其所至以嚴治深文狡獪亦天性云

丁 鍊 七年任陞  
著作郎

丁 靖 治平三年任

吳天常 熙甯二年任

呂 開 四年任

歐陽竦 八年任轉殿中丞

梁立賢 元豐元年任

李 平 四年任字至中左宣德郎

臧 渾 七年任

廖 擇 元祐二年任字從善衡陽人有惠政縣治西有溪每水漲民病涉擇捐俸為石橋以濟民甚便之名

曰通化橋及秩滿當去爭挽留不可得乃留其少子家焉

徐 銳 八年任

林 棐 紹聖二年任宣議郎

章 潛 四年任

高 潛 崇甯元年任

吳均明 三年任轉朝散郎

黃洵美 大觀元年任授奉議郎

奉新縣志

卷七

秩官

知縣

七

黃 峻 政和元年任

上官允若 五年任捐俸創縣譙樓

向 漢 宣和元年任與尉同名

盧 察 四年任

李 永 六年任

程 滂 建炎四年任

吳 荀 紹興元年任舊府志作常

姚 佶 四年任

翁起予 六年任

王 恭 七年任

劉 振 十二年任

敖士從 十六年任

黃 壽 十六年任陞知饒州

蔡 甯 十八年任

宋彥倫 十九年任

臧 楷 二十三年任奉議郎

陳 寅 二十六年任一作乾道間任

吳希述 二十九年任

楊振文 三十二年任廬陵人右承議郎主管勸農營田公事按葆光廟記振文三十一年三月任



余祐之 乾道元年任

陳光祖 乾道開任 右朝奉郎

楊萬里 六年任字挺秀號誠齋吉水人紹興進士知縣事  
賦不擾而自足縣以大治祀名宦 庚寅之旱奉新為甚  
大帥龔公擇行田之官婆女帥屬何季華以府檄來不憚  
其疑竟以實問縣令楊萬里哦五字以餞其行詩曰眾裏  
非無事閒中却幾人如何新帥澤偏作此邪春未要樓鸞  
恨方看報主身青燈一樽酒聊復話酸辛 按此條舊志  
引作成化志當是成化志引宋人語或係誠齋詩序俟考  
沈雲舉 九年任字鳳翮有善政置沃壤以養士蠲圭稅以  
之立祠以祀仍祀名宦

葉次參 清熙二年任

王正邦 四年任字榮甫明州人善詩尚氣節不苟取與為  
喪援孤苦皆盡誠為之祀名宦 按王正邦舊志無傳與  
午志探通志載入

奉新縣志

卷七

秩官 知縣

八

高南壽 七年任字景仁號如山福清人大旱禱於城隍有  
願減十年壽乞為三日霖之語會歲饑白於連師

賑廩勸糶荒政具舉時朱子守南康告糶於奉新南壽曰  
吾方披髮纓冠以救同室之鬪何暇恤鄉鄰乎謝弗與朱  
初以過糶怒之既而曰使吾屬皆如高令尹吾何憂民賴  
以至活者甚眾為之立祠祀名宦 朱子大全集與江西  
張帥劄子累具懇稟告糶米船已蒙公移回報開許但奉  
新令尉乃敢公然違戾百端攔遏欲望台慈將本縣官吏  
重作行遣 按此即怒其過糶時語 陸游寄奉新高令  
詩小雨催寒著客袍草行露宿敢辭勞歲饑民食糟糠窄  
吏情官倉鼠雀豪只要問閭寬筆楚不須亭障肅弓刀九  
重屢下叮嚀詔此責吾曹未易逃

御選詩

醕評此真良二千石矣察吏恤災安民弭盜奉公任職入  
句中色色俱到却一氣渾成不冗不腐風雅遺軌何可多  
得鶴林玉露載王十朋真德秀二詩命意雖同而氣格相  
去遠矣

劉仲光 九年任奉議郎 陳傅良送劉茂實宰奉新詩遠  
別欲無寐細論惟有酒今當作劇縣君意亦樂否

江湖吏道僻歲月民勞久救之微精神自愛終袖手要中  
名甚美用意物所咎君觀蘭桂林餘茂及薪樵移根托客

土顏色非故有贈言幾滿車一字堪皓首於焉但裁擇對  
越二三友諸賢在當路公論在眾口 按茂實當是劉仲  
光

鍾將之 奉議郎十六年任楊萬里贈鍾將之詩傳語清心  
閣欣逢詩主人鶯花無恙否風月一番新舊日行  
吟處今來跡已塵應憐楊令尹鬢鬢白如銀

李兼 紹興五年任 舊府志闕

張瑄 慶元中任字子律真甯人為民減營田之賦上之  
州不可請益堅憤不勝欲解印綬去邑人王模舉

幅率眾以留之曰甘民病弗失賢宰今雖不得請後有賢  
帥與宰意合必得之矣未幾龍圖張杓來帥豫章瑄又請  
得之民相賀曰微張君不能爭吾民難爭之賦政聲由是  
大著祀名宦

葉筍 宣教郎嘉泰四年任 舊府志作黃 陳堯仁 開禧三年任

張國均 嘉定三年任字維之南城人創建譙樓及華豐樓  
俱有記 按文獻通考載新吳志二卷知縣事吁

奉新縣志 卷七 秩官 知縣 九

江張國均撰

潘景伯 奉議郎六年任

周璘 九年任

李挺芳 奉議郎紹定五年任

趙掃夫 淳祐六年任宣教郎浙江人

趙希普 通直郎淳祐中任

葉揆 通直郎寶祐三年任

陳晟 奉議郎景定元年任

虞從龍 通直郎咸淳元年任

李予軾 宣教郎三年任

蔡德茂 十年任

元達魯噶齊

昔刺不花 至元十二年任 轉敦武校尉

火失納 二十年任將仕郎 轉本路通判

阿刺威 二十七年任 轉進義副尉

小雪者 三十年任 轉進義校尉

明安圖 至正十四年任是年春紅巾賊史魯清陷奉新安 圖死之

縣尹

謝季王 將仕郎至元十二年任

辛午震 將仕郎十四年任

李有成 敦武校尉十六年任

楊珪 將仕郎十七年任

張治民 進義校尉至元二十四年任

張吉 縣治興學校二十九年任

李仲元 至元中由主簿陞

鄧祚 大德八年任湖廣甯鄉人元初縣尹例授職田祚悉以代償百姓之逋者絲毫不以入已民稱誦之

秩滿因留邑城家焉

王良臣 大德中任

謝磐 至治元年任

丁靖 至治中任

明知縣

張伯高 吳元年任

奉新縣志

卷七

秩官 知縣

十

王溥 洪武中任字文博

方淵 洪武中任字希顏修學官有功

余思濟 洪武三年任南直貴池人陞知州

羅應鑾 五年任

張時敏 六年任廣東龍門人陞同知

周方 七年任字仲規陝西人

薛忠 八年任

濮昇 洪武中任

黃壽 十一年任河南光州人由孝弟力田

屠士宏 十五年任浙江上虞人監生

余孟良 十七年任

俞孝志 洪武中任俞一作余

范用禮 二十年任

石九疇 二十四年任浙江象山人由儒士

周景禮 洪武中任

費思名 洪武中任

陳觀 二十八年任南直丹徒人

龔隆 建文二年任浙江衢州府人進士舊府志作龍降

何昭善 四年任字憲章浙江淳安人

楊丹珉 永樂元年任字得玉福建尤溪人

奉新縣志

卷七

秩官 知縣

十一

趙理 十一年任南直江都人時兵燹初定簡編殘軼理廣諮文獻編輯邑乘尤雅意作人有振興文教之功

王錫 十七年任福建長樂人進士

楊紫 永樂中任

陳顯 二十二年任湖廣長沙人監生

胡俊 宣德四年任南直六安人監生

璩鎮海 十年任浙江常山人涖政廉勤鋤強植弱歲饑賑濟有方縣學田畝科米一石七升租重民困奏蠲十之二民咸德之祀各宦 按舊志學校志璩鎮海修大成殿在九年

王在明 宣德中任浙江象山人舉人一作監生 按浙江志選舉無此人應作監生

陳純 正統中任字希文浙江錢塘人有惠政吏部以聞特賜楮幣樽酒

袁彰 正統六年任浙江鄞縣人監生

劉讓 景泰中任山西應州人監生

田濟 景泰中任字汝霖陝西麟遊人景泰進士以德化

謝煖 天順六年任字世華浙江臨海人以經明行修舉

賴以全 活者甚眾累官至九江府知府祀名宦

楊勳 成化六年任南直宜興人舉人祀名宦舊志不載

岑方 十一年任字尚義廣西太平人縣治前譙樓歲久

樓去一邑巨觀及去任貧不能治行李妻笑謂曰何不將此

黎經 十五年任字允正廣西陽朔人進士

鄧誠 二十一年任湖廣零陵人調學正

奉新縣志

卷七

秩官 知縣

十一

孔宏 宏治二年任福建南漳人革弊政申律令有古循

吳景 九年任字伯陽南直南陵人由進士任智慮周悉

時重慶賊曹弼糾眾寇川南御史景正德中歷官四川僉事

揮麗鳳禦之鳳邀景俱走景不可幸典史張俊迎擊手殺

三賊矢被面急入城城陷大呼曰可殺我無殺士民賊強

之跪不屈遂被殺俊亦死

王嶽 十一年任字希甫南直靈璧人由進士授御史謫

弊汰革殆盡至於賑恤貧寡作興士類極為加意輿論翕

然稱之祀名宦

徐南 十四年任字明仲南直上海人進士

王誥 十七年任字天章浙江奉化人進士

王翊 十八年任南直穎上人舉人

唐俊 正德三年任湖廣零陵人舉人

何涓 四年任字宗原廣東順德人由進士任為政寬猛得宜境內大治考最擢南部主事去日士庶有挽

留無計懷仰無窮之謠祀名宦

徐元稔 六年任字元嘉福建莆田人進士累陞郎中

鄒緄 七年任湖廣巴陵人監生

侯盛 八年任陝西延安人舉人

劉守緒 十二年任字克承湖廣興國州人正德進士嚴明正大不以辭色假人平租徭理獄訟政簡而民肅

宸濠伏兵於新舊墳廠破之遂復省城論功歷陞大僕寺卿祀名宦 舊志按王守仁江西捷音疏有奉新縣典史

符誠與守緒領兵從間道襲新舊墳廠又平安義叛黨疏檄誠領兵破安義賊楊正賢等動中機宜地方賴以安謐

誠浙江餘姚人舊志無今附錄於此又守緒舊云字克承

奉新縣志

卷七

秩官 知縣

十三

今從通志改正

梁幹 十五年任南直武進人舉人

朱雲鳳 嘉靖元年任字瑞卿號雪峯浙江烏程人進士明敏有才略時兵荒甫定簿書旁午雲鳳處之裕如

清風通修廢典撫綏備至一邑晏然嘗編纂邑乘繁簡得宜論者以為信史祀名宦

周世雍 四年任字虞承廣東順德人進士累陞副使

陳仲錄 七年任字子載湖廣武陵人由進士任甫下車禁令一新盡革里役冗費獎良善鋤豪強政聲卓然

涖任四年民俗和惠及秩滿去送者幾千人靡不墮淚祀名宦

來汝賢 十一年任字子禹浙江蕭山人鄉會俱第二嘗從學於王陽明湛甘泉兩先生之門故其措施悉有

條理涖邑僅八月卒士民咸悼惜之

胡億 十三年任號一庵廣西桂林人舉人陞知州

吳文煥 二十二年任字闇卿號見吾福建莆田人舉人

李可賢 二十五年任福建福清人舉人

潘相 二十九年任南直丹徒人舉人

楊廷珪 三十六年任湖廣醴陵人歲貢

葉希謨 三十八年任廣東海陽人舉人 舊府志作廷謨

張廷軌 四十年任南直青陽人歲貢

陳芹 四十二年任羽林前衛人舉人

趙應元 四十四年任字鴻漸浙江仁和人進士

金應徵 四十五年任字懋德南直長洲人由進士任愛士

山無城應徵捐資築之後土寇竊發邑賴以全尋擢去累

奉新縣志

卷七

秩官 知縣

十四

新修贊城之費士民為立碑志不忘焉祀名宦 况國奇  
綠野金侯去思碑記思者心之感而生者感生於德德以  
去思則在上者匪期而在下者匪私誠子之於父母無所  
解于其心者也嘉靖丙寅歲綠野金侯令吾邑甫三年政  
成民悅無何以內擢去民之感德而思者咸遮道滿車下  
侯亦命其車行且止若有不忍去者噫是可以見上下  
相孚之心矣留不獲父老子弟輩復相率請於少尹胥君  
四尹林君建碑垂去思懇奇記侯績於不朽奇歎曰茲舉  
前未有也吾邑自朗溪陳侯有去思口碑民到於今稱之  
幾四十年而繼思於我侯豈直道之在民心者乃曠世而  
一見乎信得民之難也惟侯之德有以踵芳躅而繫民思  
故民有思其節儉者日吾往時輸役例費數百金而科歛  
倍之侯悉禁止一無所取即供億饋遺之費裁省凡若干  
而公禮不可草者輒捐俸以給催徵勾攝視緩急次第施  
之此其清可記也民有思其明允者日吾往時見耳屬於  
垣蠹積於案訟斃於獄者屢矣侯自堂以下左右胥隸之  
屬易事難說無偏聽無獨任弄法者有常刑尤搜弊剔蠹  
平反疑獄得不死者十數而固固空虛此其慎可記也民  
有思其慈愛者日吾往時綺羅之豪日浚其膏蓬藿之虫  
日消其肉者多矣侯自堂以下里閭肥瘠之民一視同仁

後無偏累刑無濫冤憂旱而以身禱歲凶而曰予辜凡不  
便於民者遂弗施修義塚以澤枯骨而未聞侯之民納其  
中軫恤幽隱靡所不至雖被命猶賑荒省慰臺壘不倦此  
其勤可記也余明農野外未謁公面竊以得咏召杜為幸  
諸庠彥又誦侯之德無間言蓋不惟得民且得士矣噫士  
民一心由侯以心感也泄任初亦既矢心於神矣勿取一  
豪非已之財勿戕一民無辜之命信斯言也今所記述者  
皆稱是則侯勵終如始之心神且信之而況於人乎夫思  
慕在下而感孚在上得其心則思思而記焉後其有風與  
雖然甘棠不碑而民詠者思出於無思也上無思名下無  
思諛而思始誠矣侯樹德吾邑黯然不求於人而棠蔭奔  
奔民固有永思不忍忘者是碑也士民緣以代詠甘棠豈  
諛也哉侯姓金諱應徵字懋德蘇州長洲人登乙丑進士  
緣野其別號也行將佐明廷而勤銘彝鼎繫天下後世思  
余姑記其去思於新吳者按江南通志應徵由奉新知  
縣歷陞贛南兵備道終雲南參政以廉能稱子士衡明史  
有傳

李 啟 隆慶四年任湖廣湘陰人舉人陞知州

奉新縣志

卷七

秩官 知縣

十五

陳 雋 舊表云五年任學校志陳雋請修文廟在二年字  
以奇福建長樂人舉人累陞戶部員外郎祀名宦  
王 榮 萬曆五年任浙江鄞縣人舉人

朱南英 七年任字子醇號雲崢浙江山陰人萬曆丁丑進  
士修贊城清地畝績邑乘於奉新大有功焉累官  
至參政祀名宦 蔡國珍度田繕城碑記朱令君奉新  
之三年庚辰政思與斯民計久遠適奉履畝均賦及城邑  
之令乃即次第力舉而行之皆大有造於吾邑云奉新土  
故磽瘠賦且煩往嚮產者率利厚值而薄其稅奸富遇攢  
造又賄胥吏而浮寄之攤賠滋害令君方釐正之未已乃  
履畝合行人咸謂因地制賦因之成均亦不易為三壤  
而一則焉斯良矣然慮弊生於則壤壤則矣即舉則而兩  
之恐則上下者偏於上則中下者偏於下則又有不均之  
嘆焉令君察乎此擇人而任嚴掣丈而討其不法者丈成  
雖分上下鄉為兩則而能參酌其宜斯哀益得中而民不  
病於偏累矣此度田之當紀者也邑故無城雖游經寇亂  
累土庫薄民無可守雖間議陶甓輒以無資而寢頃年山  
寇蠶發令君軫念倉府獄市遂力請而城之并請得吁江  
隱畝緩若干令君即差日鳩工相地為植悉以所請緩量



編戶糧丁而均委之畫地分工而力董其成凡數閱月而就蓋不勞而功大不費而惠廣勿亟而事速成殆為甓城者稱首而功莫上矣此繕城之當紀者也二役成宜勒石以紀成事值令君以擢行鄉諸父老乃造余日所貴於縣大夫者先成民而貽之以永圖而鄉大夫則在念功稱羨有以垂不朽朱令君所以成民者其永有利乎則不朽之事公為政矣余惟民之大事唯養與衛養非衛莫安衛非養莫子二者不可缺一者也顧事大且艱彼規避而不力者無矣即力行之而或不勝其煩且擾抑亦滋弊如蝟且以地遺後之人不少藉令行而善矣求其不動聲以色民悅而事集者尤不可易得也令君兼舉之而眾善具焉此不世之利而語所稱有治人者此矣其他政皆稱是以是而垂不朽也固宜余往俞諸父老請未及為會余有環召方事敝歷且與令君居宦事懼不知者謂予為市交不果為今余得諸父老修前言故不辭為之碑令君名南英丁丑進士浙東山陰人

余夢鯉

萬曆十二年任字有徵福建福清人進士調新建縣乾隆志誤作余據康熙志改正

支大綸

十三年任字心易浙江嘉善人萬曆甲戌進士觀政刑部教授南昌復學宮侵地擢泉州推官丁外秩官知縣

奉新縣志

卷七

十六

艱歸出補江西布政副理問攝奉新時江右積逋尙方之供而奉新為最公首繩其尤廖富九暗令大綸鄉人介當路者為地語侵大綸而奉新人請兩臺願得大綸真為令兩臺以聞報可務崇寬大旌禮賢士為民望裁餼率太侈者烏山巡檢捕盜不及格將妄入人大綸禁不許能某盜魁也根株難拔大綸曰熊十二富有子讀書此非所為熊信之攜二子謁大綸盡出諸盜案示之語塞錮諸獄其黨鳥獸散矣邑上下鄉有南北二區履畝法行失其故為以三折一之法而兩鄉安所上爰書以良史才行老吏法拾遺落職歸里卒於萬曆甲辰年七十人進士調晉江縣沈天啟十四年任字生予南直上元人進士調晉江縣

金光初

十六年任南直長洲人舉人

王之屏

十六年任陝西西安人歲貢

馮 燧

二十二年任字居方浙江慈谿人由進士任甫下車令民自陳利弊燧皆次第行之在職六年建橋

梁疏水利置常平清欺隱減供億除火耗民戴之如慈父至興學校廣士額尤有作人之雅以遷去民立祠於馮川

奉新縣志

卷七

秩官

知縣

十七

祀之仍祀名宦 余良楨馮侯去思碑記邑侯景貞翁以  
 癸巳秋制錦茲土先時余守杭與試事侯以乙酉解兩浙  
 及蔡太宰遷浙藩浙人士咸藉藉以公輔奇侯太宰嘗馳  
 慕曰得斯人而宰吾邑慈君信父未足奇也此壬辰成進  
 士適太宰以少宰總政時吾邑當報缺遂借冠焉今戊  
 戌冬朝廷撫髀而拜樞臣侯亦繼拜邑中士大夫暨胡生  
 三秀士奇徐生時中陳生九思廖生邦光輩知萬難以私  
 奪也遂各述所屬余文以誌不朽余比年日理岐黃之  
 不給何能為茂陵書幸侯之成功文章原自夔越敢為敦  
 令史之役昔臯陶有邁種德而黎民懷之召伯稅甘棠而  
 南人勿翦是懷生於思而勿翦尤思之懇痛處然究其所  
 思皆上之人焦思於前者故孫令之徭實由三惠所由來  
 矣侯自下車時恐人清幽伏先三示以廉其隱淡旬始歛  
 而後輕重布之侯謂邑有四民化由士起迺出庭授父師  
 名理首揭率性宗旨以詔來學間發篋出梓廣射鵬之技  
 以印之更置學田以需供餉增員額以廣登進起兩制而  
 上公車者三益黌士者百他日出而大有樹立秋毫皆鼓  
 鑄力也是侯作人之政周至有如此者邑素罹苦旱侯輒  
 攄誠步禱力請當道寬以折色平糶施賑民賴全活邇來  
 溝洫淤塞者夥侯遍閱志乘陂堰盡捐粟以疏濬之食其  
 利者無下數萬畝又創常平書社等倉積粟四千餘石即  
 山陬下里亦徧置義倉積近數千脫有大祲當不為害是  
 侯救荒之政詳密有如此者邑人錢糧舊多飛詭民苦虛  
 賠侯迺創立歸戶手冊縱夙號狡黠者不得以肆挪移京  
 兌收解舊多賸餘民苦徭差徵解舊多輕重其手民苦耗  
 即權貴豪右略無假借糧差徵解舊多輕重其手民苦耗  
 羨侯痛釐前蠹毫不染指甚至轉解額費悉捐公貲助之  
 計六年內所省民間脚耗不啻千金邑苦衝繁迎送供億  
 舊多取之富民侯出公帑預置竿簞籃筐種種備具即使  
 客旁午民無呼擾是侯別蠹之政精嚴有如此者又且新  
 聖廟平水堞闢莊墟樹岑樓於學之巽帶長虹聳高閣於  
 邑之巽金城納秀玉階獻奇有補於蛾眉之識不少者神  
 棲不定夜臺不掩必以無所歸而為厲故諸神有禋祀詔  
 體有蓋藏為鬼神也亦所以為民如衣龍以松護城以柳  
 此百年之利也善後事宜鑄諸應門無窮之利也是六年  
 之聞無日不討善政而拮据之故今自人神城邑以至山  
 川草木罔不化何者非其所思之績也侯之迹去也侯之  
 思不去也我非思侯也實思侯之所思也侯之迹去也侯之  
 物且崇侯以叩首反其風春衙之植侯以惠政開其異天與  
 物且崇侯以叩首反其風春衙之植侯以惠政開其異天與

奉新縣志

卷七

秩官

知縣

十八

茲記毋乃贅歟不知矢之誌侯之所以思民余之記民政所以思侯即謂是記也為邁種之頌可為去後之業亦可邑人士方且尸祝之此何云贅也書日式敷民德永肩一心我侯有焉詩曰中心藏之何日忘之我人有焉語曰有文事者必有武備我侯兼焉三書合載筆役差可有辭而太宰之銓舉亦至哲矣侯姓馮諱熒號景貞貞白先生仲嗣浙慈谿之世家也王倬然百丈峭餉兌條碑記縣西之有百丈寺剏自唐朝以迄當代清規奉旨頒行永為繩僧法律則百丈寺以清規重也然寺倚僧為存僧藉租為贍原有遺租七百畝著輪官糧八石後以丈量裁多僧遂散而寺廢焉及至馮侯清查邑中有舊隱新墾之田令其陞科以抵補寺之荒田又選寺之髮僧頂充百丈哨精兵二名即將兵餉對支本寺條銀一十七兩入錢申詳院司道府永為定額官免追徵之煩僧免比較之苦得以供佛祝聖所壽酬恩此忠君愛國之兼至而良法美意之悉到者續署不一寺兵之餉未照對支僧遂遁糧逃亡者多公私共受累矣余自蒞茲土畝畝之利病悉心興除及目擊寺山之聳拔租田之磽荒僧眾之貧通惻然軫念思為調停之術有僧名佛慈者且以詞懇困邑佐謂照額對支之為便予行之而僧咸慶甦息也因溯慕馮侯之德意洵為名山之覆幬矣鐫石一以置之儀門庶後之相仍而不易一以鎮之本寺令僧之思蔭於甘棠誠欲師表之常存且廣忠愛之無已云爾馮燧登山踏荒詩名山百丈最知名慷慨登臨百感生唐帝瑤圖歸劫燼禪僧寶塔尚傳燈三旋竹嶺巴猿淚九曲蘭亭蔓草橫凋悵汗萊餘斷礪木人塚畔一泓清

李元調表云萬歷二十七年任建置元調建兌倉在二十六年字玉生號劬雲浙江太平人下車首請免九江協濟民困以蘇祀名宦蔡國珍免役紀德碑記夫七子均養鵬鳩之仁也詩人咏之而極其效于正四國者豈無謂哉蓋民之待仁於上也方其均受德施則亦均感之矣謂之至仁無恩可也唯其中一涉於偏而不舉乃有能調劑以救其偏則如枯旱之得雨萬物莫不欣欣然若自私矣故夫方春而雨無往不被無物不生咸相忘於膏澤而不不知及五六月之間旱苗槁不得雨則斃矣時而雨焉則枯者潤仆者起孰不加額頌大造之能生我也哉是因不均而益見均之仁也已此均之所以能正四國也敝邑故僻不通道華林亂以往過客率自高安直詣南浦而建昌以達九江時以敝邑僻而簡故括夫直以爲九江助亦均道也亂後乃以敝邑及建昌閒地曠官吏稀盜賊肆行

無忌因置邑安義以是使客道高安者遂由敝邑而安義  
而建昌往以行道未遑無役而助人役可也今役均重矣  
將求助於人不暇安能為人助耶先是民未甚困猶可  
沒以應今困益甚矣乃欲枵腹而濟人饑必不能也故欲  
自鳴其不平者日嗷嗷焉會舊令景貞馮公劬雲李公及  
大中丞廣德夏公直指桐城方公方伯莆田吳公大參鄞  
縣王公大府山陰陳公咸恤民隱而欲其並生邑民某等  
以情歸縣縣報府道上聞兩臺並惻然賜允既不忍偏役  
敝邑又不可使九江失助乃竭心共計其宜遂以各驛歲  
所贏羨者轉助九江而脫敝邑數十年偏重倒懸之苦此  
不旁擾而累以除彼未減而助如故語抹偏之善莫尚  
於此矣一時當道諸公其大旱之雨乎其為鳩均施之仁  
乎誠斯民千載一遇也已抑聞之陳曲逆日使平得宰天  
下亦如是肉亦言其均可治天下也今諸當道能去其偏  
重於敝邑者若此是均齊之道得他日均齊天下而使之  
平特舉而措之耳行且鼎彝是勒而敝邑其魄兆焉無以  
紀之可乎邑民懼久而不見德故請余紀其顛末鐫之貞  
石以識不忘云時萬曆二十九年九月十四日也又三十  
二年四月嘉其成而樹石者為攝篆別駕敬元邵公邑丞  
陳君主簿馬君典史仇君並得書

奉新縣志

卷七

秩官 知縣

十九

陳鎮

三十年任字少粵廣東莞人進士

邢祥昌

三十二年任字新甫號鼎如廣東文昌人進士

丁周

三十五年任字成甫號梅汀浙江德清人壬午舉人

張司重

三十八年任字恂吾南直高潛人舉人

張僕

四十五年任號履所山東壽光人進士

劉濱

四十六年任號渤海北直南皮人選貢

袁化

四十八年任字守冲四川華陽人舉人

薛紹魯

天啟三年任貴州貴陽人舉人

梁士濟

六年任字遂良廣東南海人才識明敏摘伏如神

濟至立發其奸諸猾震服校士尙經術得人稱盛調清江  
縣尋權監察御史

王倬然 崇禎元年任字漢章浙江鄞縣人舉人

陳汝益 四年任字念初浙江永嘉人舉人調溧水縣

程紹儒 七年任字魯一江南儀徵人舉人調甯都縣

李允佐 九年任號石鏡福建福清人廉靜和惠民戴之如

上官為民請蠲租賦施粥勸糶荒政具舉時流賊充斥允

佐峻城堞增樓櫓併請復舊哨添新伍以固城衛旋以計

典調去民咸惜之為立祠以祀仍祀名宦帥眾石鏡李

侯去思碑記洪都轄州邑八有東西壤之分西邑土磽多

石田而奉邑賦役繁重荏苒竊發尤號難治矧與監司隔

絕司牧者即勞瘁有善政上官動以法相繩輒多下考剖

竹之日甲榜諸君避之如荆棘畏途數十年來棠澤之鮮

也民其無如何矣石鏡李侯諱允佐閩中大儒素以名節

自砥甲戌成進士銓曹熟知其廉靜練達庶可守我邑也

特以盤錯煩侯自乙亥冬下車迄今五載餘殫力宣猷

一以為慈牧一以為神君張絃而薰風鳴於堂上製錦而

好花滿於縣中江右報最司勳錄異應首屬侯竟以計典

奉新縣志

卷七

秩官

知縣

二十

言謂邑中大夫士庶盡失其乳哺而淒然於百六之厄也  
向予而前曰天高日遠誰白侯冤哀衣章甫豈忘侯澤吾  
濟沐侯澤而不歌之咏之祝之是我邑世世無循良而殄  
舊令溷於口碑新令罔所取法是我邑世世無循良而殄  
資澤於下民也揄揚康侯非公而誰余曰唯唯予敢一人  
私譽惟輿誦是聽大夫士庶翕然稱曰久矣我邑之積逋  
前令委擔去并責於侯況當加餉索賦之日催檄無月不  
下侯急征徭徭焦心神上為國下為民代補前人之逋數不  
知幾百千起解每年之派額不知幾百千共徵十三萬有  
奇數年而清數十年之糧者孰如侯我邑降虐馮夷旱魃  
連年叠臻侯逢此災為民續命步禱不已因而請蠲散粟  
不已因而舍粥勸糶不已因而禁掠此其已而請蠲散粟  
青州之賑而民免於逃亡數年而活數千萬之生靈者孰  
如侯我邑城垣卑而久頽昏闕雖閉宵人直跨而出入守  
險之兵又為他邑借調適值歲凶菁林潢池之徒抄鄉掠  
市劫質舍如探囊侯引為守士之咎乃殫其經營峻堞廣  
垣築窩嚴柝屹然有金湯之勢遂膺紀錄之寵命又為之  
計捍衛力請於上臺復舊哨添新伍凡繕城養兵之需皆  
苦心設處以固吾圍我邑之民用是安堵數年而奠數百  
年之業者孰如侯他如課雋於泮水拔尤於棘闈則歐蘇

之鑿裁也肅堂規而弊釐杜私謁而奸寢則朱龔之神明也捐煩苛以裕俗省獄訟以和民則卓魯之豈弟也侯僅飲馮川勺水不憚宵旰閱皇造我新吳利賴無窮相與家尸戶祝其誰曰不然豈以其赫赫之名能奪吾悠悠之思也哉余聞而慨然曰侯德澤如是攷績者置拙政之列侯特寡迎合耳勞臣綱紀良吏慈和惟侯兼之此而訾才甚矣其誣侯也雖然齊威一中主能辨卽墨之讒况今聖天子在御公道畢彰行將悉侯治狀不次簡擢異日爲廟廊舟楫爲垓垓霖雨四海蒼生莫不瞻仰休美豈惟吾邑歌之咏之勒之視之而已也諸大夫士庶感而作喜若忻忻焉捐貲鑄珉以矢弗諼云

沈君楨

十二年任字枚臣浙江平湖人才幹通敏吏治卓然有聲

馮挺衡

十七年任字鼎臣廣東番禺人舉人

儲志密

十七年任湖廣武昌衛人

國朝

奉新縣志

卷七

秩官 知縣

三十一

孫士安

順治三年任號印初山西壽安人貢生

胡以溫

六年任字德容號東甌山西萬全衛人戊子之變士民駭避以溫保土全眾功甚偉焉尤好論文賦詩推獎士類作人之化至今尤稱道不衰

王家楨

八年任字挺生號孟山江南山陽人進士

萬物育

十一年任字位生號璧水江南高郵人進士

王啟源

十五年任號裕庵江南金壇人貢生

黃虞再

十七年任字字九號泰升陝西伏羌人順治乙未進士當國初荒殘之餘冊籍散軼賦逋纍纍吏胥因緣爲姦莫可勾稽虞再初蒞任廉知其弊詳請清丈民田事既行躬自履畝勘對積弊爲之頓清設法均畷里立團練諸政具舉其初民頗難之及施行稍久乃食其德執法嚴峻豪民猾吏素橫鄉里者聞風皆斂跡尤善形家言創建官署學宮及他亭館咸有關形勢以俸滿內擢後官江西督學僉事祀名宦

何嘉祐 康熙四年任字子受浙江山陰人慈和廉慎與民

自限使十甲遞為催首無追呼之擾而民賦足又捐俸修

馮川橋費石高丈餘橫架大杉繚以朱檻稱巨觀焉在職

五年內擢部曹民懷其德即所嘗憇地構書院肖象以祀

毛奇齡西河文集何大夫事大夫治奉新不取贖緩每

歲終移他所贏錢解之曰暮遺且不可況晝劫乎予嘗過

奉新見其每里各有倉詢之曰縣漕輸省者舊例設一倉

縣城俟報滿統解省而縣所轄十二鄉在萬山中近省而

遠縣解省逸而解縣勞且解縣則耗羨生焉大夫令每里

置倉并選里中之耆老有望者專董之比收竣趣徑解省

民大便至今猶稱之曰何公倉云 按奉新十二鄉在萬

山中者未嘗近省近省者不在萬山中西河言殊失實嚮

之不由縣至省者解省逸而解縣勞此語得之非以無耗

羨之故若云解縣則耗羨生焉何以解省便無耗羨乎每

里有倉乃奉新舊制王家楨改之後十二三年黃公復之

而何公繼之謂始於何公亦誤 李明睿邑侯何公去思

碑記古之君子之服官也聽政必於其堂所以憂民之憂

游觀必於其地所以樂民之樂故子惠之性油然而生風

流儒素之度亦復不失自漢而下大抵皆然予嘗論之天

奉新縣志

卷七

秩官 知縣

二十三

下之吏內而近者唯侍從之臣曰得與君相親外而近者  
唯芻牧之臣曰得與民相親唯其近且親故其上不苦於  
難知下不苦於難達漢之所以慎選守令唐之所以引刺  
史入直者亦謂令與民最親民憂民樂俱可以共且得以  
下之情入告我后使不壅於上聞耳新吳山水甲西封民  
安稻鄉土休藝園望邑也然賦浮於他屬近者無復緩帶  
咽舖之風矣何侯世家子也其言妙天下寓內無不知名  
治奉五年而奉大治奉之士民樂得有侯無不德侯者政  
成之後因侯嘗憇麥之地後建遠寄之樓中構化雨之堂  
戟門以前監石坊題石楣之額曰何先生書院諸子走檄  
江城徵予一言紀侯功德鑄於石版亦襄民思岷之意予  
與何侯世誼通好勿敢辭序之日樂矣何侯能與民同也  
方其慘淡經始之日其憂不更六乎歲額取盈民生日匱  
侯曰位於堂亦莫可如何矣乃草耗羨行獎媿聽自限使  
十遞之排各應期會當年不苦獨累逋者無所容其匿緩  
之而愈得侯之心苦矣石田不墾流雁哀嗷侯又惻然招  
撫多方牛種官給稍稍得集焉後他邑有勘荒之累奉獨  
晏如侯之心苦矣聽斷日煩爰書曰益侯又哀矜之不暇  
矣可失出毋失入五年之內網疎文濶鬼薪城旦者不一  
見焉比者囹圄一空草深三尺侯之心苦矣侯之憫旱也

奉新縣志

卷七

二十三

四年之憂急於救焚迎九天之仙端祀於閣每禱必犯晨  
 露觸炎暑無不虔焉同日之災甘澍先至侯之心苦矣若  
 夫春漲秋霽民病涉矣侯能無憂乎奉之四橋時葺時圯  
 侯次第新之馮川橋稱最大者高其石趾數尺橫駕大杉  
 繚以朱檻遠而眠之若虹偃波宜渡宜眺一景也若龍珠  
 若陽鳥若樾柳俱楚粵筠州之要津侯改龍珠橋稍折而  
 南小殺水勢陽鳥樾柳新其墩增其石版俱極完善侯自  
 奉甚約哀然羔素四橋之費不貲俸薪一無所吝侯之心  
 苦矣凡此皆侯之憂而先者也今如何哉適足而事終驚  
 息而戶晏草宅之田黃茂翼蕪曠之野桑麻蓬蓬訟人  
 稀年穀熟民之樂皆侯之樂也國士拔其尤庶士養其體  
 如披春風如裹時雨無不發榮而滋茂焉士之樂皆侯之  
 樂也輿梁既成徒杠復竣行旅之樂皆侯之樂也若夫乳  
 媪之設藥劑之施掩骼之令皆侯之令侯之樂也夫今之  
 令困於循資沒於吏牘俛仰俱不自由休沐且不得矣侯  
 從容整暇理劇若無花時農月稅於東郊進父老子弟而  
 課之春爾于耜乎秋爾滌場乎諸所植蒔之也若予置之  
 也若棄乎侯之逸豫為何如也此者堂既落成揖鄉紳而  
 友教之一觴一咏非絲非竹山水之清音可人清聽也進  
 弟子員而教之雲光水色花笑鳥啼皆文章也登斯閣也  
 游目騁懷眺寶峯望元秀覽虬阿邇延綠野遠混天碧有  
 不心曠而神怡者乎嘗讀天聖萬年之書范文正先憂後  
 樂如或見之以俟吾侯深有當也兩臺使者最侯治狀第  
 一內召還朝臺垣入直近  
 天子之光侯自此遠矣所謂憂樂在天下矣忠既簡乎  
 帝心慈必宜乎民瘼如樂正子春之視疾加損適宜天下之病  
 脫然以起明效大驗必有如范蘇州者矣夫漢之循吏不  
 為少矣古稱去思者必首何司空武侯勝國大司空石  
 湖公裔也繩武世濟一如汜鄉可謂能世其家者矣雖然  
 吾猶為奉幸焉召杜接踵皆一路之福星黃何比肩俱一  
 臺之二妙奉之鬱結久十年之內有大發揚亦天人理數  
 之必然者昔有頌范文正公者曰先生之風山高水長侯  
 之憂樂千古在斯碑矣因大書之使後之尋故事者有所  
 考云公諱嘉祐字子受浙江山陰人按毛西河集公名  
 作嘉祐以字攷之亦應從此舊志似誤

李芳辰

八年任舊官師表云有傳宦蹟傳未見似遺漏

董宏毅

十二年任字士超號任菴奉天正紅旗人以監督出知縣事時耿逆倡亂閩中新昌甯州所在盜蠶



奉新縣志

卷七

邑人立祠祀之乾隆中祀名宦

秩官知縣

二十四

起十月新昌賊大至宏毅與官兵等約曰我雖文吏今賊  
 臨城下願冒矢石及諸君共生死乃戎服率臧獲二十人  
 各挽強弩登敵樓把總胡來朝武舉王顯光策勇士往來  
 防捍甚固賊新集利速戰宏毅堅守不出圍數日不得下  
 民情洵洵宏毅意賊有內應者夜半下偵之老僕楊天爵  
 執火從至儒學門有飛刀斫宏毅大驚辟易走天爵揮利  
 刃斷賊左臂賊以隻手鬪天爵益奮宏毅繞學宮後踰墻  
 垣出刺賊臂天爵斬之賊失內應有退志宏毅率民兵出  
 戰手發一矢斃偽左將軍某遂潰追奔數里斬馘無算是  
 夜擒賊將六人還初賊方至宏毅僕盧大成私曰城破主  
 人必死難奈何斬忠臣嗣乃陰變服為道士負宏毅幼子  
 國瑛遁塗遇賊欲殺之卒以黃冠免同時靖安新昌多摧  
 破惟奉新剿殺聲最著既而賊復合靖安甯州諸盜擄掠  
 進化安興諸鄉宏毅禦益力乙卯冬賊萬餘人來據礫下  
 宏毅與分巡道李世昌領兵大破賊於寒婆嶺招降偽參  
 將劉應璉等七十九人賊兵六百六十九人安集流亡男  
 女一萬四百餘口一城安堵如故時兵荒之後民苦輸餉  
 宏毅力請題蠲因賴以蘇越三年以循良擢陝西莊浪同  
 知去之日民間號泣聲震數十里繪董公殺賊圖以獻後  
 宏毅歷官中外四十餘年仕至左都御史八十二卒於家

何 縉 十九年任號霧巖四川梁山人進士時寇氛初淨  
 胥因緣為姦民重困縉初至見之歎曰法以懲暴民奈何  
 苦吾赤子耶為具牘繪圖陳狀請減刑獄緩徵比招徠失  
 業者使不得耕種其年民乃復業逋賦亦次第輸納無後者  
 為政清靜不擾與民休息而精明廉察人不敢欺敬禮士  
 大夫雅好著述簿書紛沓而操觚不輟在職四年擢黔西  
 知州百姓挽留之不得乃為生祠與前令何嘉祐並祀號  
 二何先生 饒宇拭邑侯何公去思碑記豫章迄西新吳  
 稱望邑其地衝而民疲山複而田下賦應九等乃則浮科  
 溢閭閻終歲勤動不足副公家征徭亦土之至瘠而不易  
 令者也予嘗泛覽瘠土之民其望令也恒重凡令得專行  
 之事則吹求焉不得專行之事皆強安焉一不得當浮議  
 繁興防之愈潰安能得其感慕謳吟於去後如今日新吳  
 之於何侯哉何侯博雅古道君子也雖釋褐已久而著述  
 弗倦雖簿書鞅掌而操觚不輟每出一言後學奉為指南  
 道德經註心遠堂集及焚餘草勸戒錄天下能讀之也庚  
 申冬來令新吳正兵火板蕩之餘散四方者未盡復邦族

田賦脫者未盡墾宿草瘡痍在體者未盡長肌膚加以差  
檄之靈擊胥役之舞文宵民之譁張危哉新吳幾成漏舟  
而不可收拾侯至期月悉得其狀謂此未可盡以法製也  
當靜以養之徐以導之曹相國治齊是吾師也於是刑  
不可廢用其輕者賦難以緩先其急者御左右不設鈎距  
無敢以欺事嘗者謝訟獄惟準諸法無敢以竿牘擾者一  
切飲食服御取其便而易致者遇地方大故輒慷慨繪圖  
上請必愈久而後止焉數年來新吳漸氣振而色飛矣故  
新吳之民如赤子之依乳哺不可一日而去諸懷今侯以  
治最起擢黔西二千石邑父老聞報歔歎息舉幡臥轅  
下市肆為虛復扶老攜幼裹饑渡章水向撫軍藩臬願  
借冠君情辭真摯成咨嗟感動無如為例所束何也乃歸  
而謀所以紀侯德者侯却之再四諸父老竊相議曰侯之  
所以堅却者恐以煩費吾民耳吾今有以體侯之德而又  
申吾屬之情僉曰若此將何法之從其長者曰曷不於舊  
何侯之甘棠而並列焉誠前召父而後杜母矣眾踴躍稱  
善而侯亦不能止矣堂既成而問記於余余因歎何侯今  
之循良奉父老亦古之遺直第父老自為計則得矣尚未  
知

天子所以遷侯黔西之意也黔西古荒徼入  
奉新縣志 卷七 秩官 知縣 二十五

本朝版圖方廿年山箚深阻習俗悍獷未可遽以王章繩也  
必得慈惠之師忠信之長優柔而漸摩之未可僅以台丞  
率也必臨以中大夫師帥之邦伯彈壓而鎮撫之侯又蜀  
人黔西為鄰國必能知其風氣設政敷教必能中其款情  
此今日遷侯之意也且父母之於子也已成才者愛之未  
成才者憐之王者之官人也筮仕則銜註以試報績則級  
進以階侯治新吳有成效正可轉為草昧勤教育  
藉紓南顧之憂侯亦益展其生平之蘊父老胡能以新吳  
私侯哉雖然私之不得緇於例也私而勒石於堂不廢兩  
侯之良法則不惟報德也且以勸將來也堂之大有所繫  
也如是夫夫是以不辭而記於石侯諱縉號霧巖戊戌進  
士四川梁山縣人

王景賢 二十三年任鑲黃旗人監生

金廷對 三十二年任號恕亭鑲黃旗人貢生

丁先聘 三十六年任福建古田人舉人

金燁 三十九年任浙江富陽人附監

陳廷樞 四十一年任字維垣號東川安徽桐城人時積欠十甲甲有長循環為之使自相催徵過期者面有罰如限者官給牛酒勞之由是無催科之擾而民樂輸將積習頓改至今遵行焉好文禮士每校試與諸生銜杯論文娓娓不倦以呈誤去職卒於奉新邑人士咸惜之

張斌 四十六年任福建崇安人舉人

莊清度 五十一年任字省堂江蘇武進人康熙丁丑進士清儉剛介嫻於吏事下車首除不便於民者減耗羨汰陋規風裁凜然人不敢犯有大猾素舞文清度以事治之論荷校尋逸去竄名旗籍中歲餘持檄歸里意揚揚自得清度聞立遣人擒治卒置諸法一邑駭服自是豪強屏跡吏胥無敢為姦治行遂為數十年之最雅好造士課試所賞拔悉一時秀彥辛卯分校鄉闈邑尙書甘汝來出其門在職六年福建巡撫陳瑣特疏薦之擢湖廣鳳凰營通判累官至禮部儀制司郎中

鄭毓謙 五十四年任字詠臣號創庵湖北蘄水人拔貢

奉新縣志

卷七

秩官 知縣

二十六

王藩 雍正四年任字价人雲南晉甯州人雍正癸卯進士下車詢民疾苦釐別奸弊四境肅然前官頗優柔道賦累萬藩設法勸化不事敲扑而供輸無敢後者凡地方有關制度者悉舉行之尤雅意作士捐俸立義學拔邑童之秀者延名師教之每課誡親第甲乙須楮墨以示獎勵焉尋以呈誤落職邑民為罷市裹糧赴郡保留者數百人格於例不果

童希睿 五年任福建崇安人舉人

沈廷貴 九年任浙江鄞縣人舉人

趙知希 十年任字太音號環石安徽涇縣人康熙庚子舉人由內閣中書改知奉新縣潔已愛民常俸外盡草諸弊政有諍訟者辭既具輒叮嚀曉以義理不加繩劾各自引咎去捐貲創建規制極為宏厥時方奉旨重建百丈寺羽檄旁午供億浩繁知希躬自辦理絲毫不以累民上官多嘉獎之性廉靜然發好摘伏如神邑有巫者假神言禍福偶驗愚民信之趨走若狂知希命昇神至縣立

上諭 旨重建

焚之遂絕有黠民充藩役者以事當予杖自陳身是憲胥例須申請知希笑曰且試杖之然後請可耳卒杖之其持正多類此在職九年風教大洽尤喜振興士流獎進後學所賞拔先後多中鄉會試科名之盛遂為數十年所未有調知貴溪士民傾城祖送至車馬不得行尋以卓異擢直隸晉州知州

張天謨 乾隆五年任湖北漢陽人舉人

楊憲文 八年任雲南石屏州人甫下車值歲荒設法勸賑出常平倉減價以糶全活者甚眾時徂夏不雨禱於城隍不應乃閉閣自訟免冠徒步禱烈日中浹旬澍雨大降竟以勞瘁致疾卒風神嚴整儀表瓌異凜然不可犯為吏廉平民畏服獄訟者庭決遣之案無留牘及卒括囊中僅數金竟不能殮聞者咸感金為治喪事櫬歸士民無少長白衣冠相送號泣沿路數十里不絕

覃一仁 九年任字壽山貴州石阡人舉人

陳景仁 十年任號雲川浙江仁和人進士

奉新縣志

卷七

秩官 知縣

二十七

余潮 字潮三號韓班湖南攸縣人乾隆十四年以進士知縣事下車即詢民瘼邑漕糧民收催運官為兌軍較他縣稱便潮慮船戶拖欠擇誠實者令里民具保領載顆粒無逋時承檄修縣志距前志近百年潮廣為搜羅得甘莊恪舊稿延名宿編葺成書政暇則與書院諸生講學娓娓不倦士論尤多之

李秉鑑 十六年任山東棲霞人舉人

史謙光 十九年任山西武鄉人進士

李天鵬 二十一年任字圖南四川涪州人舉人

張守約 二十三年任浙江烏程人舉人

孫似梅 二十五年任雲南呈貢人舉人

劉文確 二十八年任湖南辰谿人拔貢

趙中忱 三十年任直隸寶坻人舉人

張坦 三十三年任河南鄆城人舉人

尹德嘉 字號蓮齋貴州修文人乾隆三十三年以舉人知縣事縣故多訟案德嘉至日決數獄積贖一清黔胥士豪為之斂戢有奸偽託神憑許人陰事幾釀巨案德嘉燬其神事得寢縣西越王山多虎時出噬人德嘉禱於城隍親往捕之召里中健兒勞以酒懸上賞連斃二虎患遂息其他浚城濠興水利惠政多稱是去之日送者塞道至泣下邑人作去思歌傳頌弗衰

婁起銓 三十八年任浙江山陰人吏員

甯有誠 字號丹亭奉天錦縣人乾隆四十一年以進士知縣事廉靜明斷摘奸如神捐俸倡首置義學田租一百八十餘石諸生裕膏火絃誦不絕有誠之力也

郝適 四十三年任陝西藍屋人進士

剛柱 四十七年任滿洲鑲藍旗人舉人有幹濟才政尚嚴速修葺書院嘉惠士林調新建縣法

奉新縣志

卷七

秩官 知縣

二十八

邵鳳鳴 五十二年任雲南建水人舉人涖任後廉靜自守為政不煩被劾去民咸思之

趙增 字號益堂浙江德清人乾隆五十六年知縣事慈祥愛民培養士類馮川書院歲久傾圮增出已俸修葺廣齋舍繕器用新几榻肄業生至今賴之善形家言如岐峯塔演武亭九天閣皆次第修建調署南昌緣事罷職後起復補新淦縣

田緒文 嘉慶二年任直隸懷來人舉人

金泰觀 五年任字器山安徽當塗人庚子舉人

姬學周 二十年在甘肅甯夏人進士

鄒山立 二十四年任字希武號松崖山東茌平人監生勤政愛民培植士類倡建岐峯書院重修二何講堂諸生膏伙視馮川書院有加邑人為立松崖講堂於院內繕城垣葺青雲樓於水門上建新塔於馮川東修養濟院去任後民恒思之

陳國華 道光七年任號一泉江蘇丹徒人監生

陳鳳廷 十四年任四川資陽人舉人性廉靜在任九月不  
潔已奉公常有志三時薄宦作民新德愧無能語圖謙遜  
亦可想其人矣

張正誼 十六年任號三雨山西陽曲人舉人

吳憲文 十八年任號述菴安徽婺源人進士嚴謹自持不  
常與邑紳耆接見紳耆亦咸自愛無干以私者嘗  
捐廉倡修邑城丙午旱分別申請蠲緩賦稅邑輸賦舊有  
義圖久稱善舉惟花戶則輸將遲速多寡不齊吏胥得緣  
以為奸憲文刊定申票其弊稍除

寶煦 三十年任號寶谷雲南會澤人拔貢

周成民 咸豐八年任號繹庭山東濟陽人甲辰舉人剛猛  
者嚴直無所違阻治事亦勤敏民恒便之蓋以才勝

奉新縣志

卷七

秩官 知縣

二十九

保齡 同治二年任字 號鶴軒四川駐防壬辰舉人  
性坦易推誠及物時值粵匪竄撫州臨江一帶齡  
捐廉數千金募勇設防邑賴以安嗣因公呈議官囊蕭瑟  
不名一錢而累年所貸於民間店戶者竭蹶畢償跡章  
門者年餘歸裝至不能舉毫無怨言至今民思慕之

呂懋先 五年任號晉廷江蘇陽湖人監生現任

附載 按署任舊志不載茲擇有官蹟者登之以志去思其  
餘概從畧

宜與齡 江西南句容人順治乙酉署邑篆時土寇竊發人情  
洶懼與齡單騎入賊寨撫諭之賊感泣散去井里  
晏然民咸感之後去官移家邑之羅坊號容安老人著有  
環玉堂集

胡錫熊 甯州判雍正八年署邑篆廉介自守詳革  
號 曹糧陋規倉次肅然

沈均安 號朗齋江南高郵州人以副貢為安義縣丞乾隆  
十四年奉檄攝邑篆廉明慈恕練達政體滄官即  
刻牘告士民無爭訟文詞委婉見者感悅甫數月訟庭闕  
寂熙熙如也奉新民樸而愿號稱易治惟胥役多大姓為

之勾結深固實為弊藪均安至不少假以辭色有舞文者立窮治之諸猾胥無敢橫者先是邑舊有書院前令趙知希常欲倡興義學會調去不果歷令皆假為公解絃誦之區幾鞠為茂草矣均安慨然舉行之捐俸為膏伙贊拔儒生之秀者肄業其中延師課之今書院生徒濟濟樂輸者雲集均安實倡其事也受代去邑人為文以紀之

**吳名鳳** 號竹菴直隸甯津人舉人嘉慶二十三年署縣事承前縣姬學周積弊之後清釐滯獄民困以蘇捐俸葺書院諸生課藝逐卷加點竄第甲乙士爭師事之在任入闈月當受代邑人赴郡請於大府乞畱格於例不果去時製詩祖帳遮道鄉民無少長咸嘖嘖稱為好官云

**李珣** 道光二十七年任號琴山雲南蒙自縣人乙巳進士慈惠廉明愛民如子蒞任七月案無畱牘尤以作育人才為己任先是馮川岐峯兩書院因公費不敷停課兩載珣至捐廉月課每卷詳加點竄士林欽服卸篆時合送多士舒翹匾額祖餞盈衢

**張星烺** 號春堂貴州人辛卯舉人邑經兵燹滿目瘡痍星烺政尚寬慈撫卹殊至時寇仍據瑞郡星烺

**奉新縣志**

**卷七**

**五十九**

與邑紳募保奉軍為防守計公餘常與邑人士論文課藝媿媿不倦云

**畢亮** 號寅卿昆明人庚申進士時再經兵燹縣市從善建康奉新同安南北七鄉焚虜之禍尤慘亮至分別請蠲減七鄉本年賦稅有差民困稍蘇蒞事未久邑紳耆謁郡攀畱格於例不果

**劉士清** 號月溪貴州人辛亥舉人質樸無華勤於課士嘗捐廉施藥及掩骼埋胔倡修馮川橋勸紳耆輸費育嬰亦自士清始

人辛亥舉人質樸無華勤於課士嘗捐廉施藥及掩骼埋胔倡修馮川橋勸紳耆輸費育嬰亦自士清始

縣丞

唐

高良弼 神龍二年任遷縣於馮水之北即今縣治也

宋

李允武 紹興元年以左宣德郎任

姜邦光 二年任

洪 曉 十九年任轉右承事郎

黃 源 三十二年任

曾 省 隆興元年任

李 愈 乾道四年以右修職郎任

周大辨 淳熙十四年任

任圖南 慶元二年任

楊炎正 六年任轉從事郎

李得益 嘉泰三年任授承務郎

曾逢辰 開禧三年任

李進卿 開禧中任

奉新縣志

卷七

秩官 縣丞

三十

趙 時 寶慶三年任轉承事郎

李 直 紹定五年任

趙彥佐 嘉熙四年任授承德郎

張 操 淳祐六年任授從事郎

趙公撫 寶祐五年任授修職郎

陳 壽 景定元年任授修職郎

楊震子 咸淳三年任授將仕郎

元

宋大用 至元十四年任轉承事郎

路 順 十七年任授將仕郎

明

王若霖 洪武五年任南直歙縣人

王伯暈 六年任

金王成 八年任湖廣羅田人



石可攻 十一年任南直高郵人

谷 謚 十五年任

鄭叔雨 十七年任南直吳縣人進士

葉 元 二十年任浙江江山人

陳 觀 二十二年任福建福州人

陸仁甫 二十四年任南直宜興人

張良成 二十六年任南直句容人

葉 壽 二十九年任浙江衢州人

江仲庸 永樂元年任南直休甯人

李用成 十三年任湖廣茶陵人

奉新縣志 卷七 秩官 縣丞

陳 晟 十五年任廣東海康人

封添祿 十七年任

歐陽郎官 十九年任南直淮安人

王普光 宣德十二年任福建建甯人

胡 簡 十二年任四川馬湖人

胡 圯 正統中任浙江鄞縣人

吳 禧 景泰中任南直鹽城人

邱 清 景泰中任湖廣石門人

華 容 天順中任湖廣蘄州人

毛 昇 成化元年任浙江鄞縣人

王 琛 九年任山東嶧縣人

羅 鐔 十四年任湖廣茶陵州人廉介勤慎政無操切卒于官民甚思之

陳 岷 二十年任湖廣臨湘人

鄭 璫 宏治二年任陝西富平人

王 鑑 十一年任銅鼓衛人

蔡 端 十五年任福建同安人

吳 祐 十八年任浙江海鹽人

何永清 正德五年任字源清廣西潯州人廉勤剛正遇事勇為時華林賊起營城隍治武備從事兵間者數年後與子冲霄從副使周憲攻賊於華林冲霄力戰死之永清亦以勞瘁致疾卒蕭然無以為殮及喪還傾邑為之哭送祀名宦 按通志引豫章書何永清一云開封人

奉新縣志

卷七

秩官 縣丞

三十二

張 金 九年任廣西賓州人

吳 縉 十二年任浙江平湖人

邵 銓 嘉靖三年任字衡甫號平齋南直嘉定人陞同知

韓乾元 十四年任浙江山陰人

葉 泰 二十年任浙江餘姚人

陳 訪 二十三年任浙江麗水人

沈勝黃 二十六年任湖廣瀏陽人

張 理 三十二年任浙江海鹽人

李 恒 三十五年任四川銅梁人清潔有惠政尤精易理及秋滿去囊書一篋白金十餘兩而已

賀 卿 三十八年任湖廣人

劉元祥 四十二年任四川人

王鉦 四十五年任浙江會稽人

胥義 隆慶二年任湖廣人

金積 四年任號竹岡浙江嘉興人

李輅 萬曆二年任南直上元人

童士貞 六年任福建人

江濤 十年任南直歙縣人

施廷翰 十四年任浙江縉雲人

楊餘慶 十六年任直隸人

桑履吉 二十年任

奉新縣志 秩官 縣丞

徐汝翼 二十三年任福建建甯人

沈大乾 二十五年任南直無為州人

陳一信 二十八年任山東滕縣人

陳聞 三十二年任廣東人

范寅 三十七年任浙江秀水人

彭邁 四十年任南直溧陽人

張粵鯤 四十三年任廣東人

趙民敬 四十五年任號禮箴山東兗州府人

華大用 四十七年任浙江山陰人

黃國卿 四十八年任浙江山陰人

周良諫 天啟三年任南直宜興人

王文炳 六年任湖廣澧州人

俞天寵 崇禎元年任浙江金華人以後縣丞缺裁

國朝

高儀岳 順治十七年任字瞻尹號鰲極順天大興人貢監  
是年始復設縣丞

江山燦 康熙三年任字季涵號紫巖直隸玉田人拔貢

盧煌 十二年任

黃以成 十六年任浙江山陰人吏員

周嗣濂 三十年任河南宜陽人例監

張元祐 四十七年任號月湄江南武進人歲貢陞河南扶  
溝知縣

奉新縣志

卷七

秩官 縣丞

三十四

蕭子清 雍正八年任字天一號澹村四川瀘州人監生

楊宗聖 乾隆五年任字御夫陝西乾州人監生

郭正嘉 二十年任廣東翁源人拔貢

何大立 二十六年任甘肅平涼人拔貢

陳盤言 三十六年任安徽石埭人監生陞瑞金知縣

姚守書 四十三年任浙江錢塘人監生由府經歷借補陞  
萍鄉縣

江瑤 四十六年任字以舟湖北漢陽人廩貢居官鎮靜  
廉儉自持尤敬禮文學士暇時輒與尊酒論文咸

欽其偉度以病去

王禮 五十五年蒞任字薌南浙江德清人拔貢雅尚風  
雅從政不苛人咸安之

汪金浩 五十二年任順天通州人吏員

陶衡 六十年任浙江山陰人增貢

卜大鶴 嘉慶四年任順天固安人拔貢

李鵬元 嘉慶五年任湖南醴陵人廩生調武甯縣丞

張尊緒 二十五年任順天宛平人監生

徐統藩 道光二年任浙江錢塘縣人

宋震祥 道光四年任江蘇長洲縣人監生

程園瑞 十七年任安徽婺源人附監

曹莖升 十八年任順天大興人監生

霍作相 二十二年任湖南鄧縣人監生

高學易 二十五年任順天大興人監生

奉新縣志

卷七

秩官 縣丞

三十五

蔡錫祿 二十九年任江蘇吳縣人供事

張士強 同治七年任號懋猷雲南永善人附貢生現任

附載 按署任舊志不載並擇廉潔愛民者登之餘概從畧

張壽基 號時孫江蘇吳縣人道光二十一年署任性風雅

好吟詠嘗與邑文士相唱酬廉儉不苟取邑漕糧  
久由縣令徵解故事有權署應入公費令不之與壽基曰  
成規不可更也然壽基非爭此區區者索得之盡散給孤  
貧民去官後人猶思之

教諭

宋主學

張鳴鳳

咸淳元年任  
轉迪功郎

吳懋卿

三年任  
轉迪功郎

詹應解

九年任  
轉迪功郎

元學諭

余炎午

至元十二年任  
本縣人詳進士

夏侯士璋

至元中任  
吉水人

焦大有

至元中任

范壽

十六年任字子洪富州人有僧奪學田持訟四載  
宣政院遣官根勘辭連壽逮問壽不為屈從容出

籍指示官輒執其籍辭色俱厲壽曰此與壽同生死若執

之惟有叩登聞求直耳官悟謝之田竟得不奪

奉新縣志

卷七

秩官 教諭

三六

李士奇

吳元年任字朝章上坊人以經明行修舉修建學  
官規制自是始備邑人彭錡作興學賦以美之并

序文

李君朝章既領縣庠職教事遂請於邑大夫凡  
殿堂齋廬一新締構而廟學之規制始備焉自是而遊歌

之士

眾學校之政以立使夫後來者有所矜式而興起  
之非幸歟一之同志調李氏有功於邑學者二世以予有

交承之契

斯文之好宜有以頌其美觀風之君子庶其採  
擇之作與學賦其辭曰夫何尼山之齒翠兮俯湯湯之泗

沂繫元聖之是生

兮偉斯文之在茲挈萬古之綱常兮炯  
日星之垂象逝有闔於來學兮豈惟明乎既往垂廟祀於

盛衰相尋於何極

兮廢與興其相代假昧者之弗由兮道  
實關乎顯晦皇赫赫以當天兮暢休風乎萬國家稷高而

人告陶兮雖殊俗而人同德

臨馮水之好修闢荒榛於遺甍兮  
上游振木鐸以施教兮唯夫人之好修闢荒榛於遺甍兮

集棟梁於椽桷

既底法於堂構兮睹如翬之丹雘信幸邑  
之多賢兮亦夫人之故率奔走於後先兮於以相夫國家

也藹茲歌之颯颯

兮羅俎豆之彬彬佩衿續其來游兮射  
與樂其並勅期雋良之登用兮庶彝倫之攸敘去文藻之

浮靡兮化閭閻於鄒魯慨三千于往昔兮撫桑梓而敬恭

步泮池以容與兮思我祖之遺蹤善繼志以述事兮心翺  
翔吾以降直開風而興起兮燿祖德而彌彰陰華林而不  
居兮將媿美乎湖學詠菁莪與芹藻兮夫惟眎此先覺謂  
播種之必稷兮日俾昌而俾者流嘉名於不朽兮指馮水  
以爲期亂曰峩峩黌宮時既乘兮孰其營之邦家之楨兮  
厥聲孔長來者之徵兮

彭 鏞 洪武三年任字存節號主一奉化鄉人以經明行  
修舉

陳 摯 十七年任湖南長沙人舉人

張克靜 十九年任浙江龍泉人學博行修善於教誘一時  
名宦 賢才彬彬輩出創觀瀾亭於學宮遺範猶存祀名

周文盛 二十一年任浙江天台人舉人署教諭嚴立教條  
名宦 有本有末士翕然從風以學行薦擢監察御史祀

夏 廉 三十一年任南直溧水人貢生

奉新縣志

卷七

秩官 教諭

三十七

劉 覺 永樂五年任字從先廣東番禺人貢生

詹 易 十五年任字從文福建建陽人貢生

潘 偉 宣德十二年任浙江天台人舉人

林 勤 正統元年任字克廣福建莆田人永樂舉人署任  
考官得人皆名下士秩滿致仕學者至今稱之祀名宦  
林文儒學科名記建學以育秀設科以興賢其所由來尚  
矣成周以德行道藝教民而與其賢者能者以用之後世  
卒不能復降自唐宋取人之制非一惟進士科得人爲特  
盛故迄今行之不易我朝稽古右文建學立師尤著科目  
之選其立教本之以經書參之以諸史然後發之以文章  
以應科目之選焉夫古昔帝王之道載於書孔門聖賢之  
學著於經古今治亂興亡得失之事紀諸史經書諸史既  
通則聖賢之道明古今之事博矣爲師者以是教爲弟子  
者以是學蘊之身則爲德行發之言則爲文章施諸政事  
則爲功業是科目之於得人也何負其所以未盡得人者  
蓋由師道之不立主司之不明耳奉新江右名邑也其學

校科目自宋迄今得人可紀者多矣粵稽之宋登進士第者四十七人應童子科者六人元登科目者僅三人國家自洪武甲子歷正統甲子登科目者二十有五入列仕中外文行政績亦多可書其尤著者若宋端明學士胡公直齋楊龜山銘其所賜扇曰詞潤金石忠貫日月元分宜丞舒公泰虞學士稱之曰能行古道足以變世俗國朝闡叅政熊公本誠以公平勤慎稱於民致仕通政呂公爰正以端謹溫厚稱於朝他如助教成均則有廖公彤亦以才識為士林推重此則文所聞見而知者嗚呼學校科名之記其所關者大矣哉言乎時則風俗之滄漓人才之盛衰學校之興廢於是乎稽言乎人則學問之純疵心術之邪正功業之顯晦於是乎觀苟其人之賢與後之人觀其名必與景仰之心苟不賢與則人將指其名而議之矣然則登科名之記未續無以勸今垂後乃告諸郡邑命工礲石取舊記名氏漫滅者并書之虛其左以俟方來走書屬文為記於是乎書

趙洪 天順六年任浙江天台人舉人

奉新縣志

卷七

秩官 教諭

三十六

林 涓 成化六年任字廷實福建閩縣人舉人

錢 和 十年任南直華亭人舉人

吳 清 十九年任福建莆田人舉人

魏 鑾 二十一年任浙江慈谿人監生

李文煥 宏治七年任廣東東莞人舉人

李 恕 十四年任福建同安人舉人

唐 經 正德三年任湖廣衡山人舉人剛方正大修舉學政振作士風學使者屢獎異之會缺令上官知其才即以委經後以卓異擢九江府推官祀名宦

農志科 四年任廣西南平人舉人敦崇行誼以身為教士類景從卒於官時李夢陽督學江西雅知其賢檄縣護其喪歸祀名宦



陳嘉謨 六年任廣東番禺人舉人

毛仲通 嘉靖四年任浙江慈谿人舉人陞將樂知縣

王 黼 七年任雲南人舉人陞華陽知縣

童 國 十五年任山西平陽人監生陞柳州府教授

陳 衍 十八年任浙江山陰人設立條約誘迪備至士林  
翕然稱之

高 儒 二十年任號小洲廣西柳州人陞甯津知縣

盧 志 二十三年任廣西賀縣人選貢

傅 棟 二十六年任浙江鄞縣人選貢

陳子瑩 三十二年任福建漳浦人貢生

林貞相 三十五年任福建閩縣人爲學有本原訓迪士流  
皆先行而後文秩滿擢感恩知縣

奉新縣志

卷七

秩官 教諭

三十九

翟務忠 三十八年任廣西桂林人舉人陞安仁知縣

章汝顏 四十一年任浙江金華人舉人陞鳳陽知縣

馮 高 四十五年由訓導陞任尋陞河南歸德府教授

朱 河 隆慶五年任福建建安人諳練典故文辭博瞻上  
官持重之每有章奏輒命河屬草悉中意旨以是

咸獎異焉嘗創與點亭於明倫堂左日與諸生講論其中  
士多化之尋遷杭州府教授

毛 緯 萬曆五年任湖廣景陵人貢生

張 新 七年任大庾人貢生

張道深 八年任湖廣沔陽人舉人陞知州

萬民華 十一年任南城人舉人陞同知

黃河清 十七年任廣東饒平人貢生陞教授

鄧用敬 十九年任安福人貢生陞教授

夏一靈 二十二年任浙江秀水人貢生

李一權 二十三年任弋陽人貢生

傅文華 二十五年任高安人貢生

范守約 二十九年任弋陽人貢生

郭際美 三十三年任萬安人舉人歷陞同知

邢懋顏 三十五年任南直無為州人貢生

李正郁 三十七年任湖廣貴陽人

章汝成 三十九年任浙江富陽人貢生

李龍章 四十年任雩都人貢生

奉新縣志

卷七

秩官 教諭

四十

岑昌運 四十二年任廣東人舉人陞四川筠連知縣

涂必遷 四十七年任建昌人舉人歷陞湖廣同知舊志按通志科目作必遷遷字疑誤

王民純 天啟元年任德化人貢生陞南康府教授

胡以宗 六年任鄱陽人貢生

王良相 崇禎元年任南直應天人貢生陞浙江台州府教授

邱一超 三年任雩都人貢生陞教授

曹學賜 五年任南直桐城人陞北直天津衛經歷

黃煜 八年任峽江人貢生陞教授

丁建勛 十一年任鄱陽人貢生

俞龍起 十四年任號蒼舒浙江平湖人貢生有悍弁侮辱士流龍起憤甚力爭之上官得論如律頽風為之

一振尋擢去諸生為鐫石以紀德焉 楊宏備俞倉翁先  
生去思碑記國家養士學官垂三百年名公鉅卿未有不  
繇茂才而舉者不由是而舉焉雖以口舌得官卒鹿鹿無  
補如露蛩風蚓觸候一鳴識者已知其不繼所以朝廷得  
士非學校不為功夫郡縣而治以政得民以教得士皆守  
令之職也乃廣文一席天子不惜稟賜分曹而課即於郡  
縣之中使梳疑剔元一以屬之學博先生蓋郡縣勞於治  
民逸於得士歲計而試之大比而賓興之操一日冰鑑以  
臧否多士有餘矣學博先生則日課月程不才俱無棄焉  
故郡縣愛養多士拂拭多士非學校亦不為功今者國子  
董於司成庶子董於學博視鄉國學之弟子員者既無差  
別則視鄉國學之教弟子員者甲乙明經俱師表也又何  
差別於其間哉自外補諸公晚節促馭多不可言師儒之  
謹曰以浸薄去來莫問有繇然矣浙東俞先生通博簡遠  
不受儒縛早歲才名藉甚當湖鑠闡屢當而屢躓余備瀨  
藩時兩浙名賢多惋惜之余向往已十餘年矣自宦拙歸  
來小憩湖上覺青蘿翳袖修竹冠岑昔人所云適我無非  
親者余退老之樂也應酬之文久矢不為一日奉序諸弟  
子員逕造竹所屬余一言以志去思余日故事乎諸士日  
前此未有也有之自吾師始余日優轉乎諸士日台使者

奉新縣志

卷七

秩官 教諭

四十一

已報最吾師將慕陶多士將說峴也余日先生得士如此  
之深乎諸士日曩者先生編帶臞士雁羔不備懷刺漫滅  
典謁不通今吾師時與弟子周旋發明義蘊如探淵海如  
燦羣花諸士無不開朗此可思也曩者先生右弁左紳矜  
佩之士健兒折辱今吾師視事與吾邑賢父師大振頽俗  
得請於上士氣一揚此可思也曩者先生端居簡出今吾  
師或攜詩篋登龍山絕頂與諸弟子昂首問天或負酒壘  
泝馮川篁墩與諸弟子飛觴醉月使我諸生歷覽無際好  
懷若澄此又可思也若夫竝立而使人化標然若雲鵬然  
品誼蕩蕩若流水使人思之莫忘則吾儕諸生莫能狀之  
矣惟先生畜道德能文章者記之嗟乎余不操筆為文久  
矣聞諸先生之言如見所夢於十年之前意中流水余能忘  
之耶方先生懷抱利器抗志雲上余與浙人士無不謂清  
流華要挺鼻不免豈期今者尚以冷檀相累耶今者僅著  
能聲於教成度非先生所甚安也古者鬱其所蓄一見如  
張長史之於書梅正字之於詩君子憫焉先生不偶於時  
猶陶然於詩酒之間怡然於生徒之際絕無海上隴陰之  
態昔人所稱瑞日和風者高大之宵得無似乎且上考  
既注銅墨之縮直晨夕事耳乃雅意林壑不受窘束又何  
與溢江相類耶嗟嗟官之繁散亦何足論亦貴稱職而不

誣無負朝廷命官之意斯善耳先生擁臯比勤職業使奉士彬彬秀而文質而綺通利而德其師足以應良有司之舉豈其有愧師表辱聖天子重學之詔與邑侯愛養多士之意乎昔二疏以講官乞休今先生以教成求去誰謂古今人不相及哉但恐今上屢注者英知先生不任煩劇以清要相屬如吾里間胡文恪公召於長垣咨其秘畫則先生之去又自此升矣欲如老夫之閒其可得乎行矣先生勉爾遁思其以余言為華贈且泐之珉以志諸生勿讓

崔岑 十六年任山西人貢生

田文 十七年任北直定州人貢生

王師夔 順治四年任字允諧南城人壬午舉人歷陞知府

湯嘉年 九年任字善卿金谿人舉人

張珣 十五年任臨江人貢生陞瑞州府教授

奉新縣志

卷七

秩官 教諭

四十二

梅遇 十五年任字品章南城人舉人初諭奉新有土寇突發攻城令皇遽失措遇代督民兵登陴固守飛燉及左右傷數人不為懼寇挾邪術翼兩笠登女墻遇麾卒斬之寇退城全擢陝西郿縣令亦有治聲歷陞永甯府同知 見省志舊志遺

王績 康熙二十二年任廬陵人拔貢

胡繼宗 二十二年任金谿人舉人陞建昌府教授

徐望齡 三十六年任王山人勤於考課所拔多一時名流 俸滿擢去

舒嘉言 四十四年任貴溪人拔貢

李文錦 六十一年任字桐菴廬陵人在職十三年模範整肅生徒欽服尤留心學廟捐租修葺規制粗具俸滿擢臨江府學教授

朱孔陽 雍正十三年任字來幽金谿人舉人整飭學校土論翕然

王煥然 乾隆十年任字佩章安福人舉人

郭棟 十八年任龍南人拔貢

楊克進 二十一年任吉水人 恩貢

蕭一枝 二十六年任雩都人丙辰舉人後任四川萬縣知縣

胡駒龍 三十四年任新昌人丁卯舉人在任最久訓迪諸生疊疊不倦後任福建鹽課大使其子孫皆以科甲顯人以爲盛德之報

朱進 四十六年任南康人副貢

鄭惟鍾 四十七年任上饒人副貢

車世球 五十六年任泰和人拔貢

郭大經 嘉慶四年任號星嶠萬載人舉人加意訓課尤卹寒士邑向無考棚大經倡義創建并建文昌祠在

奉新縣志

卷七

秩官 教諭

四十三

任九年戊辰會試成進士卽用知縣任安徽太和縣

項邦槐 十三年任星子人拔貢

傅紫綬 十九年任字一庭號雪岡南城人戊午舉人

徐祖憲 道光十年任贛縣人副貢

劉璧 十五年任新昌人副貢

楊學烈 二十七年任號蘭谷清江人附貢

汪文瀾 同治五年任號小川廣昌人新西拔貢現任

訓導

明舊制原設二員崇禎十五年裁一員

陰鏗

以經明行修舉本縣訓導舊官師表云洪武三年任選舉表云四年任字彥聞進城鄉人

况思文

以經明行修舉本縣訓導舊官師表章洪武三年任選舉表云十八年任字原道從善鄉人工詩其遭亂詩有云田荒蛙作主亂久燕為家祀名宦

陳希曾

以經明行修舉本縣訓導官師表云洪武十四年任選舉表云十七年任字自省號恕齋上坊人

鄧輝

以經明行修舉本縣訓導字伯幾號樂隱進城鄉人

喻仲淵

二十三年以經明行修舉本縣訓導字鏡生奉新鄉人

張顯

字緝熙下坊人幼從父士原學有時名洪武中以明經舉本縣訓導有詔選儒學之士教習胄子吏

部疏薦顯等十人除靖江王府教授永樂初與修高皇帝實錄書成賜銀幣遷國子監學生考績最著陞監丞著有

奉新縣志

卷七

秩官 訓導

四十四

卷七 秩官 訓導

趙子温

洪武二十八年任廬陵人貢生陞金華縣知縣

周霽

洪武間以經明行修舉本縣訓導陞考功司稅舊遺據郡志補入

杜泗

建文二年任字景清浙江上虞人貢生陞教諭

楊永源

永樂六年任廣東徐聞人

榮教

十三年任湖廣巴陵人舉人

丁太初

十五年任四川銅梁人監生

奚鐸

十七年任湖廣江夏人舉人

沈廉

十九年任北直任邱人舉人

文質

宣德十年任湖廣安陸人舉人

陳訥 正統五年任浙江浦江人舉人

陳用貞 景泰元年任廣東東莞人儒士

邵忠 三年任浙江桐廬人監生陞廣昌教諭

王熙平 天順元年任浙江臨海人監生

鄭和 成化三年任福建太甯人貢生

顧望 五年任浙江秀水人監生

馬晉 十二年任舊遺補入

黃英 十四年任福建莆田人舉人

彭成 十五年任廣西興安人貢生

陳遵 二十二年任廣東茂名人貢生

奉新縣志

卷七

秩官 訓導

四十五

劉軌 二十三年任廣西臨桂人舉人

湯晟 宏治三年任浙江孝豐人監生

陸紳 九年任號越仙浙江慈谿人舉人陞楚雄府同知

黃鑑 十一年任浙江永嘉人監生

徐璠 十四年任浙江常山人監生陞教諭

陳容 十七年任浙江烏程人監生

趙瑄 十八年任福建南平人監生

孫貫 正德六年任南直句容人監生

吳憲 九年任南直休甯人監生

楊夔 十五年任湖南沅州人監生

翁 腆 嘉靖三年任號龍巖福建漳州人貢生

葉 澤 四年任 按舊志官師表云有傳而宦蹟傳無之俟攷

陸任忠 嘉靖中任廣東南海人性清介士有以贄幣見者輒却之衙齋蕭然嘯咏而已與邑令朱雲鳳同修

邑乘編輯多出其手論者稱其去取頗公云在職九年以卓異累擢至梧州府同知

馮 楷 七年任廣東南海人監生

王 翔 九年任號南田福建晉江人選貢陞教諭

黎永寶 十年任湖廣長沙人天性醇篤造就後學勤懇不倦後致仕歸

聞 理 十三年任浙江鄞縣人造就多士以身為教嘗被檄賑饑於某鄉鄉人為設饌理對之泣然淚下怪

問之蓋其父忌辰也理時年七十猶孺慕不衰學者無不感化

胡時向 十七年任浙江人監生陞陽穀教諭

奉新縣志 卷七 秩官 訓導 四十六

危必亨 十八年任福建光澤人貢生陞瀏陽教諭

孫 鰲 二十七年任浙江長興人貢生

戴邦直 二十九年任南直上海人貢生

顧 邦 三十二年任浙江仁和人貢生

馮 高 三十八年任浙江金華人貢生陞本學教諭

戴志榮 四十一年任湖廣漢陽人貢生陞陝西教諭

呂 輝 四十五年任浙江永康人貢生陞銅陵教諭

陳惟一 隆慶二年任廣東番禺人貢生陞教諭

李本恕 四年任號二溪湖廣衡陽人貢生陞華亭教諭

卓成鸞 六年任湖廣慈利人貢生陞興國教諭



涂忠謀 萬曆元年任湖廣興國人貢生

吳省 三年任龍泉人貢生陞教諭

袁霄 四十年任南直宜興人貢生陞教諭

周激 六年任上饒人貢生陞教諭

黃卿 九年任宜黃人貢生

邱雲登 十二年任湖廣穀城人選貢陞教諭

王天鑑 十五年任湖廣通城人選貢

鄭太初 十八年任廣西馬平人貢生

陳留松 二十一年任福建順昌人貢生

盧子政 二十三年任甯都人貢生

奉新縣志

卷七

秩官 訓導

四十七

潘可受 二十四年任湖廣瀏陽人貢生

龔浩 二十六年任號敬所建昌人貢生陞六合教諭

袁絡 二十九年任宜春人貢生陞教諭

沈遐思 三十三年任湖廣靖州人貢生陞教諭

侯廷柱 三十八年任浮梁人貢生陞教諭

陳家相 三十九年任安仁人貢生陞棗陽教諭

楊本立 四十一年任瑞金人貢生陞南安府教授

歐陽檣 四十二年任湖廣鄖西人

萬賓 四十五年任南城人貢生陞知縣

曾以忠 四十七年任上高人貢生

胡一桂 天啟元年任高安人貢生

祝應舉 二年任湖廣通山人貢生陞本府教授

鄒孟學 四年任雲南人貢生

張汝梅 五年任臨江人貢生陞永甯教諭

陳璉 崇禎二年任廣東南海人貢生陞武甯教諭

黎永質 五年任陝西人貢生陞教諭

胡承烈 七年任南直江浦人貢生

胡之璞 八年任萬安人貢生陞教諭

徐以忠 十二年任都昌人貢生陞教諭

陳于禹 十三年任字發乾河南人貢生署本縣事陞瀘溪教諭

奉新縣志 卷七 秩官 訓導 四八

周禮吉 十三年任彭澤人貢生陞餘干教諭

鄧忠 十六年任福建順昌人貢生

國朝 順治十六年訓導全裁康熙三年復設

王埜 順治六年任字鵬南浙江華亭人貢生陞安徽當塗教諭

程良佐 十二年任字虞臣德興人貢生

劉乾生 康熙四年任德化人歲貢

黃之琇 十五年任字耳美宜黃人歲貢

蔡志奇 十九年任上猶人歲貢

劉承謙 三十年任廬陵人歲貢

彭宮巍 三十三年任大庾人歲貢

湯有定 四十六年任餘干人歲貢

陽學易 五十一年任南康人歲貢

康安國 五十五年任龍泉人 造士有法學政修舉生徒中  
有貧乏者常依助之

陳 樞 五十九年任字伯儔臨川人廩貢改主簿

饒煥彩 雍正四年任廣昌人歲貢

朱國宴 八年任雩都人歲貢

文律遠 十一年任德化人性樸邀敦崇古處常精之外一  
介不濫取嘗支俸未至厨傳蕭然家人咸以為言  
律遠方仰屋吟咏晏如也勤於課士雖嚴寒溽暑弗輟以  
老乞歸士競為詩文送之去日襍被外裹一大囊即所贈  
卷軸數十而已

陳國亮 乾隆十年任玉山人歲貢

奉新縣志

卷七

秩官 訓導

四十九

胡 亮 十三年任廬陵人歲貢

原 超 十五年任樂安人歲貢

戴名標 二十三年任字元亭萬安人歲貢

朱文淵 二十九年任南康人歲貢

董枝桂 三十一年任德興人舉人老成持重士林宗之

張 湘 四十五年任峽江人歲貢

胡世所 四十六年任餘干人歲貢

林大任 四十八年任號尹堂分宜人戊子舉人性情伉爽  
獎勸士類其叔有席為分宜宿學每來學署與邑  
人士尊酒論文多所沾溉大任之學皆有席所授故課士  
有成效焉後陞授饒州府教授福建仙遊知縣

程世鎮 嘉慶三年任新淦人庚子舉人

潘有本

八年任上高人丁酉舉人大批知縣分發安徽試用改教銓授廉正樸直不計修脯不苟言笑訓飭

士子有方去之日邑人競為詩文以送之涂日耀送司

訓潘萬亭歸里序道光二年壬午閏三月邑司訓潘萬亭

先生以年老乞休歸其里邑紳士耆老及門下生百數十

人相與餞留於道而屬余為文以紀之重師道也誌不忘

也先是先生以嘉慶己卯歲具文乞休以邑諸生再三固

請乃止至是而先生年七十有三矣歸志愈決仍前固請

不獲命乃擇日以行夫一邑之文風士習視乎學學之誠

偽虛實視乎學官之賢否以為之表率則官慕重矣特患

居是官者自謂無關重輕達者琴書詩酒以自適否則計

學田而爭修脯於課士之法置為緩圖若余所見聞如先

生者殆不一三觀也先生曾權皖之東流篆以才不勝任

力請改教癸亥選授茲職夫人即才有長短誰能自知之

即知之矣誰能自決如先生之見機明慮事斷去就綽綽

非有大才力者不及此余以是時知先生之治學必有異

於時俗學官之所為而竊為邑諸生幸之先生之學以正

誼不謀利為主與人真誠樂易外雖不設防眇而內行彌

介先生之論文以經義為根柢而以理法繩其間官吾邑

二十年諸生之歲脩餽膳有無多寡從未聞置一詞諸生

以是益敬重焉間有浮薄不修繩檢之士則色為之沮不

敢登先生之堂故自先生來而邑之士習益醇士風益振

先生訓諸生如其子弟諸生亦愛先生如其父母自縉紳

聖廟皆極力贊成而邑人之所重先生而不忍先生去者

奉新縣志

卷七

秩官

訓導

五十

徐起鵬

道光三年任高安人甲子舉人

黃迪筠

七年任宜黃人舉人

程繼浩

八年任德安人舉人

宋惟駒

十三年任雩都人舉人

李鏞 二十九年任樂平人己卯舉人

詹世申 咸豐元年任玉山人己卯舉人

劉衍 十年任南豐人歲貢

朱祥國 同治元年任號頌卿歲貢現任

主簿

宋

向湍

政和四年建主簿廳

晏場

天聖四年借縣令修城隍廟見秩祀

翟秉倫

靖康二年任致仕居南鄉翟坊

張相

紹興十年任

張祖留

十九年任

孫復

二十六年任

李浩然

紹興中任

李學

乾道九年任

徐翊

淳熙十一年任

趙汝掖

慶元五年任

黃之望

慶元中任

孫仁本

一作本仁嘉泰三年任

趙希義

開禧元年任

高子叶

嘉定九年任迪功郎

熊應鵬

寶慶二年任迪功郎

趙彥嶒

端平元年任修職郎

奉新縣志

卷七

秩官

主簿

五十二

陳大成

淳祐三年任迪功郎

朱士表

寶祐三年任迪功郎

張之懷

五年任

張崧

咸淳九年任修職郎

元

李仲元

至元二十一年任陞本縣尹

呂居仁

二十四年任授將仕郎

石遵古

二十九年任授進義副尉

明

袁伯獻

洪武三年任萬載人

胡瑋

五年任浙江壽昌人

周忠

六年任

張榮祖

七年任

王宗禮 八年任

李文暢 九年任

韓定福 十五年任廣東文昌人

徐尙德 十八年任

傅敬敏 二十二年任浙江上虞人

黃泰 二十六年任南直當塗人

邢敬 永樂元年任河南彰德人

李明聰 十一年任湖廣澧州人

孫敏才 十三年任浙江上虞人

尙志 十七年任陝西人

奉新縣志

卷七

秩官 主簿

五十三

李祥 十九年任湖廣人

王純 二十一年任

廖珩 宣德十二年任湖廣人

趙文彥 正統中任雲南浪穹人

余鏞 景泰中任湖廣沅陵人

曾謙 景泰中任廣東南海人

張雍 天順中任福建莆田人

何琛 成化七年任浙江常山人

孫智 十年任廣東歸善人

王環 十一年任南直宿州人

文朗 十七年任廣西融縣人

羅文 二十一年任湖廣衡陽人

謝璘 宏治二年任福建建甯人

朱淵 十五年任南直睢甯人

胡鉦 十七年任南直睢甯人

薛整 正德三年任南直廬江人

蔣綉 七年任河南汝甯人

鄒鼎 十二年任福建長樂人

吳景巖 嘉靖三年任南直貴池人

李仕光 七年任河南祥符人

奉新縣志

卷七

秩官 主簿

五十四

陳緯 十一年任

陳祿 十八年任陝西平涼府人

鄭輝 二十三年任南直太倉人

郭萬安 二十九年任廣西桂平人

杜祉 三十五年任雲南人

李惟喬 三十八年任福建晉江人

余天明 四十一年任湖廣黃岡人

張金 四十五年任南直太湖人

徐堯咨 隆慶元年任號西亭浙江義烏人雅能詩每挂笏  
嘯咏而政事不廢公餘角巾攜杖流覽名勝陶然  
自得見者不知其為官也遷王府典膳不就竟拂衣歸



後 鎬 萬曆元年任南直蕪湖人

李 玉 四年任南直廣德州人

唐仕廉 十年任湖廣棗陽人

胡 點 十二年任南直望江人

朱邦傑 十三年任南直休甯人

錢大球 十六年任浙江人

汪士賢 十九年任南直貴池人

柴 爝 二十一年任浙江仁和人

陸撫謙 二十四年任南直常熟人

馬德倫 三十年任浙江山陰人

奉新縣志

卷七

秩官 主簿

五十五

汪文兆 三十二年任南直甯國人

童嘉謨 三十五年任南直上元人

張國光 三十八年任南直歙縣人

陳泰時 三十九年任福建人

雷志泰 四十年任浙江山陰人

王邦仕 四十三年任南直貴池人

梅汝慶 天啟三年任陝西徽州人

車應賢 六年任四川人

唐之亮 崇禎元年任四川雅州人

吳世澤 三年任福建人

方效麒 五年任浙江山陰人

吳汝光 十六年任

國朝

藍之采 順治間任福建人由國子監學正調外任在官綽  
有政聲康熙初年缺裁按舊志遺據甘莊恪公集  
補人

巡檢

明

王良玉

洪武元年創巡檢廳  
建置志補人

按舊志官師表無此人據

楊璞

成化三年任浙江嵎縣人

梁巨川

五年任南直常州人

徐瑄

九年任浙江餘姚人

李善

十三年任南直睢甯人

劉志

二十年任南直臨淮人

蘇幹

二十二年任山東膠州人

秦禎

宏治三年任山東嘉祥人

奉新縣志

卷七

秩官 巡檢

五七

張翽

六年任北直滄州人

馮允

九年任北直晉州人

白源

陳典

楊清

丁鳳

龔澤

舒隆

以上皆宏治中任

張祥

正德六年任南直上海人

宋珍

嘉靖二年任山東德州人

廖珂

劉應禮

傅九齡 浙江人

徐蘊浩 浙江仁和人以上皆嘉靖中任

宋應桂 萬曆二十四年任

金崇禮 三十五年任

葉尙義 三十九年任

朱應元 萬曆中任南直丹徒人

吳之蘭 萬曆中任字九晚福建邵武人

吳崇禮 天啟中任字敦之湖廣黃岡人

奉新縣志

卷七

秩官 巡檢

五

鮑繼興 崇禎中任廣東人

國朝

田洪濟 順治中任字維洪江南青陽人

梁宏志 十六年任字尙志號祿吾陝西華州人

婁景奎 康熙元年任直隸人

徐樞 二十五年任字子靜浙江錢塘人

陳宏 三十四年任順天大興人

姜斌 五十四年任順天大興人

周篤生 雍正七年任順天大興人

谷惟恒 十二年任順天寶坻人

沈仕達 乾隆五年任安徽石埭人

張一模 七年任甘肅鎮原人

吳淵 十六年任江蘇如臯人監生

程隆起 十九年任安徽休甯人監生

王曉 乾隆中任鳳臺人監生

宋佩 二十六年任福建長樂人監生

翁翔 二十二年任浙江海鹽人供事

馬厚培 四十六年任清鎮人監生

朱進丞 五十二年任四川漢州人監生

金策 嘉慶二年任山西夏縣人典吏

奉新縣志

卷七

秩官 巡檢

五十九

張若源 五年任順天大興人監生

嵇燮 五年任浙江德清人監生二十四年復任

孫明愷 十年任順天宛平人供事

紀瑤 十四年任順天文安人監生

江沛然 十七年任安徽青陽人監生

孫鵬起 十九年任四川南充人典吏

郁文盛 道光二年任江蘇吳縣人監生

秦廷樾 十五年在江蘇金匱人供事

秦鏞 十七年任浙江會稽人監生

成效祖 二十四年任陝西富平人吏員

吳恩祺 二十九年任浙江平湖人監生

許世秀 咸豐八年任甘肅鎮番人監生

唐文瀚 同治二年任湖北棗陽人監生現任

奉新縣志

卷七

秩官 巡檢

卒

典史

宋 縣尉

劉光明 至道元年任

趙興鑑 大觀二年任

向 漢 政和五年任與宣和元年縣令同名

朱 清 宣和五年任

李 侑 建炎四年任

陳子直 紹興元年任

胡勉龍 十六年任

劉 源 三十二年任

金梁之 字彥隆休甯人兩浙提刑受長子以蔭為奉新尉

之墟落夜臥往往有光樞密朱樸一見則曰是八百仙之一也直以金丹動盪故耳瀆熙元年卒年六十一後有自

蜀見之者為攜家問歸蓋尸解云 按舊志遺此人今據宋詩紀事補入

吳 觀 隆興二年任

趙必槐 清熙四年任

奉新縣志

卷七

秩官

典史

又

劉用寅 開禧三年任

趙汝麗 嘉定二年任

蔡 白 五年任

湯 涓 紹定元年任

趙時鑿 寶祐三年任

元

冀元利 至元二十年任

石 巖 三十一

譚 霖 至元中任

胡明甫 至元中任南昌人陸龍興府判

明 典史

李 勗 吳元年任河南中牟人由撫州府推官左遷

蔡 善 洪武中任

譚 禧 五年任

徐彥才 七年任撫州人

徐安 洪武中任浙江常山人

陸野 十五年任湖廣黃陂人

康季謙 洪武中任

屠進 二十四年任

李延 洪武中任浙江鄞縣人

羅子成 二十八年任湖廣衡山人

史文 建文四年任南直鹽城人由御史左遷

張英 永樂十一年任湖廣通山人

周友 永樂中任浙江上虞人

奉新縣志

卷七

秩官 典史

六十一

吳忠 宣德十年任南直武進人

李慶 正統中任廣東人

陳忠 景泰中任南直無為州人

李樸 天順六年任南直太平人

林棟 成化五年任福建惠安人

楊忠 十年任

王錦 十五年任浙江慈谿人

姚宗舜 宏治二年任湖廣麻城人

葉榮 九年任浙江慈谿人

黃甲 十四年任廣西人



徐誠 十七年任浙江餘姚人

林景輝 正德三年任福建莆田人

劉定邦 四年任

陳孔哲 七年任南直通州人

莊祥 八年任福建莆田人

陳啟 十五年任湖廣光化人

周欽 嘉靖元年任南直滁州人

陳允中 三年任浙江山陰人

林應昌 十一年任福建莆田人

章廷佐 三十一年任浙江諸暨人

奉新縣志

卷七

秩官 典史

袁汀 三十七年任南直滁州人

平旦 四十二年任南直吳縣人

史良賓 四十四年任

邱海 隆慶四年任號寒松湖廣武昌人

譚懷 五年任廣東高明人

蘇林 隆慶中任福建莆田人

陳鰲 萬曆三年任南直吳江人

葛應鍾 六年任

俞汝明 十二年任

許成嗣 十四年任

夏獻臣 十六年任浙江秀水人

郭維卿 二十五年任湖廣湘潭人

仇志 二十七年任北直定州人

陳伯相 三十二年任福建海澄人

黃寶 三十五年任福建莆田人

封一仕 三十八年任南直揚州人

朱文光 四十五年任浙江山陰人

廖初祥 四十六年任南直貴池人

任柏 四十七年任

陳汝仁 天啟三年任南直人

奉新縣志

卷七

秩官 典史

胡應龍 六十年任南直池州人

伍文奎 崇禎元年年任

洪仁聞 五年任

端邦基 七年任南直人

何鼎 九年任浙江人

沈懋中 十二年任字允如浙江山陰人

國朝

經世順 順治七年任字坦之直隸人

楊秉昭 順治中任字杼赤浙江人

張煒 十一年任號鏡初直隸保定人

邵汝祥 十三年任字酉章浙江金華人

何重光 十八年任字元之陝西華州人

胡尙高 康熙十二年任

陳世德 十九年任山東朝城人

張攀桂 三十八年任陝西富平人

吳琬 五十年任字宛王江南江陰人

劉嘉註 雍正四年任湖廣漢陽人

董宏化 九年任順天宛平人

王基 十年任

侯王賓 十三年任陝西麟遊人

奉新縣志 卷七 秩官 典史 六十四

姜爾豐 乾隆六年任浙江山陰人

阮正階 十四年任字復三浙江會稽人

張元度 二十九年任浙江山陰人

潘成信 三十二年任江蘇江甯人

蔣大勳 四十二年任江蘇吳縣人監生由吏目借補

錢元銓 四十三年任浙江山陰人監生

劉行周 四十四年任浙江山陰人儒士

繆然 四十六年任直隸通州人吏員

吳文榕 四十九年任江蘇吳縣人

蔣定恂 五十四年任湖南湘陰人監生

王清泰 五十六年任浙江上虞人

張希良 五十七年任江蘇上元人監生

馬 銑 嘉慶二十一年任順天大興人供事

馬 沅 道光三年任號濟洲江蘇陽湖人監生

鄭鑑遠 一十三年任浙江仙居人監生

陳世烈 咸豐元年在甘肅西甯人書吏

祝孝銘 七年任浙江秀水人監生

李耀林 八年任湖南彬州人軍功

劉肇城 十年任號仲萱貴州貴筑人監生現任

稅課局大使

明

華容祖

洪武間任改建稅課局見建置

韓迪

成化元年任直隸平縣人監生

顧敬

十七年任南直吳江人吏員

劉淮

宏治二年任廣東人吏員

高暉

十一年任北直易州人

蒯必鸞

宏治中任鸞一作鑿

龐紳

宏治中任

李選

宏治中任

奉新縣志

卷七

秩官

大使

六十六

羅珠

正德十三年任福建莆田人

是年奉例缺裁

武職 奉邑把總設自康熙二十二年雍正七年添設外委一員然舊志不載冊籍無徵姑就其現在文移可據者附列於后

把總

元

趙把總 逸其名至正十三年秋賊萬餘自武甯靖安至行都元帥府遣趙把總領兵百餘迎擊敗之賊退把總以中流矢死民哀而立廟祀之

明 無攷惟崇禎十六年二月兵備道陳起龍鎮奉新守備雷大功將官汪文鎮王龍涂叔駒黃某邑營弁金甌鞏都司袁斌三某皆死難後都司何其賢接鎮奉新皆旋設旋廢未有專屬

國朝

胡來朝 字以海號麟庵本縣南鄉人康熙初以人材薦隸總督麾下時草寇竊發所在置將弁十三年來朝

奉新縣志

卷七

秩官 武職

六十七

以把總駐防奉新會盜首劉往七戴朝曉等攻城邑侯董宏毅率家丁守西城來朝與縣丞盧煌等守南城時賊方疲倦來朝令煌等居守而自率勇士出城迎戰親冒矢石斬劇賊六百六十九人城賴以完次年十一月邑偽副將陰健子聚眾屯礪下聲言破城宏毅欲先發制勝來朝曰我等深入賊巢城中空虛倘有疎虞後將噬臍不如告急上台請兵來援我出奇兵應之兩下夾攻此成擒矣宏毅然其計即發書告急於制府隨命巡道分兵勦捕賊略平十六年礪下餘黨復聚官兵進計平之城屺然無恙來朝之力也事平陞康山營守備以母老乞休歸不就時論賢之

劉成龍 乾隆二十二年任上饒人行伍

李陞 二十六年四月任贛縣人行伍

劉萬和 二十九年八月任武甯人行伍

周克明 二十九年十一月任德化人行伍

高英 三十五年七月任樂平人行伍

朱定華 四十六年八月任南昌縣人行伍

熊元勝 四十七年正月任靖安人行伍

陳榮 未詳年分

黃迪 未詳年分

汪騰雲 五十三年任新建人行伍已酉旱騰雲赤日中步  
禱越山嘉慶元年調赴湖北勦匪陣亡祀昭忠祠

歐陽瑤 嘉慶三年十一月任彭澤人行伍

江發魁 二十三年十一月任南昌人行伍

袁凱 道光二年六月任字功勳號松嵐新建人行伍

羅繼勳 十六年三月任南豐人

奉新縣志

卷七

秩官 武職

袁焯 二十六年二月任萬載人

劉得泰 咸豐三年十一月任南昌人五年十一月初十日  
隨軍進剿陷陣不屈賊暴其尸於城邑人憫之

朱仁杰 六年任南昌人行伍

俞鴻貴 九年四月任新建人

程錫齡 十一年三月任樂平人

吳飛鷹 同治元年二月任南昌人現任

外委

魏燦 乾隆二十二年八月任南昌人行伍

徐樹棋 三十年九月任臨川人行伍

鍾彥富 三十七年二月任雩都人行伍

張順 四十五年三月任新昌人行伍

殷上貴 四十六年四月任廣東長樂人行伍

樂定元 五十年七月任甯州人行伍

周玉林 五十二年三月任南昌人行伍

潘大勇 五十七年四月任南昌人行伍

戴振奎 嘉慶二年五月任南昌人行伍

傅全 十年二月任南昌人行伍

高勝 十九年四月任南昌人行伍

涂必興 二十一年十二月任新建人行伍

項春元 道光十年八月任袁州人

奉新縣志

卷七

秩官 武職

六九

熊光富 十七年六月任新建人

俞鴻貴 三十年十一月任見把總

吳宗松 咸豐九年四月任湖南人

許連陞 八年正月任十年十月復任臨川人

馬忠仁 十年六月任南昌人現任



封爵附

漢

海昏侯劉賀

漢書王子侯表昌邑哀王子元康三年封食邑四千戶神爵三年薨坐故行淫辟不得置

後初元三年釐侯代宗以賀子紹封原侯保世嗣侯會邑嗣免建武後封

海昏侯沈戎

宋書沈約自序先世祖戎字威卿以州從事說降劇賊漢光武嘉其功封為海昏縣侯唐

書宰相世系戎沈靖之子也後漢光祿勳以九江從事降劇賊尹良封海昏侯辭不就

晉

新吳縣侯塗欽

豫章書氏族大全曰晉塗欽以功封新吳侯未詳何功明王材黎川集有塗欽傳論

曰父子以忠厚傳家注云欽子順惜其集不全獨逸其傳按欽以平石勒有功封新吳侯諡忠武邑人涂文思文政皆其後裔墓在豐城縣侯墓岡

奉新縣志

卷七

秩官

封爵

七十

劉宋

新吳縣侯劉韶

宋書江夏王傳義恭子叡弟韶封新吳縣侯為元凶所殺追贈中書侍郎諡曰烈

新吳縣子秦立

見順帝本紀昇明元年八月有罪下獄死

南齊

新吳縣男左興盛

見齊書王敬則傳後永泰元年封新吳縣男邑四百戶賞平敬則也

新吳縣侯蕭景先

本傳太祖從子建元元年封新吳縣伯邑五百戶世祖即位進爵為侯永明五

年贈侍中諡忠侯子毅嗣為高宗所忌王晏敗併陷誅

梁

新吳縣侯志

武帝本紀今遣使持節兼太保侍中中書監兼尚書令汝南縣開國侯亮兼太尉散騎常

侍中書令新吳縣開國侯志奉皇帝璽綬按亮姓王見列傳第十卷志姓未詳錄出以俟考

明

奉新王朱睦㮮 明史周悼王安橫庶六子正德六年封嘉靖十五年薨諡榮憲子恭僖王勤滅襲薨  
子莊靖王朝塏襲薨子在綜襲

奉新王朱常漣

明史益宣王庶十九子萬曆三十四年封丙戌歲閩陷絕粒七日而薨